

ভীষ্ম ।

—

বেণুন কলেজের ভূতপূর্ব সাক্ষ্যার্থক
শরচ্চন্দ্র বিহারী, এম্. এ.
সংগীত ।

সংস্করণ ।



প্রকাশক—শ্রীজ্ঞানেন্দ্রমোহন দত্ত

কুডেন্ট্‌স্ লাইব্রেরী,

৬৭ নং কলেজ স্ট্রীট, কলিকাতা ।

১৩২১

মূল্য ৫০ আনা ।

প্রিন্টার—শ্রীম্মরেন্দ্রনাথ চট্টোপাধ্যায়

মেট্‌কাফ্‌ প্রেস্‌ ।

৭৬ নং বলরাম দে ষ্ট্রীট, কলিকাতা ।

ভূমিকা

বহুদিন শিক্ষাবিভাগে অধ্যাপনাকার্যে নিযুক্ত থাকিয়াও এ পর্য্যন্ত বাঙ্গালা ভাষায় কোন পুস্তক প্রকাশে উত্তরাগী হই নাই; কিন্তু সম্প্রতি মহামাত্র ভারত-গভর্নমেন্ট-কর্তৃক নিযুক্ত নব শিক্ষা-সমিতির (Education Committee) উপদেশ অনুসারে বিশ্ব-বিদ্যালয়ের কর্তৃপক্ষ মহোদয়গণ যে নূতন আইন প্রণয়ন করিয়াছেন, তাহাতে বিশ্ববিদ্যালয়ের প্রত্যেক বিভাগীকে বি, এ, পরীক্ষা পর্য্যন্ত বাঙ্গালা ভাষা নিয়মিতভাবে অধ্যয়ন করিতে হইবে। তাঁহাদের প্রণীত এই নববিধির ফলে যে বঙ্গভাষার চর্চা বিশেষরূপে বদ্ধিত হইবে ও উক্ত ভাষার যে যথেষ্ট শ্রীবৃদ্ধি সাধিত হইবে, তাহাতে সন্দেহ নাই। এতদ্বির বিশ্ববিদ্যালয়ের কর্তৃপক্ষ মহোদয়গণ নূতন গ্রন্থকারের পুস্তকও পাঠ্যরূপে নির্বাচিত করিতেছেন। এই আশায় উৎসাহিত হইয়া মাদৃশ ক্ষুদ্র ব্যক্তি এই পুস্তক প্রণয়নে অগ্রসর হইয়াছে।

পুস্তকখানি বিশ্ববিদ্যালয়ের প্রবেশিকা পাঠার্থীদের উপযোগী করিয়া প্রণয়ন করিয়াছি এবং ইহাতে আদর্শ হিন্দুচরিত্রের গৌরব-রবি, শৌর্য-বীর্য-সম্পন্ন, জিতেন্দ্রিয়, কুরু-পিতামহ ভীষ্ম-দেবের জীবনী লিপিবদ্ধ করিয়াছি।

পরিশেষে নিবেদন এই যে, বাহাদুরের জন্ত ইহা প্রণীত হইয়াছে, এই পুস্তক তাহাদের উপযোগী ও কল্যাণকর হইলে, চরিতার্থহইব।

বেথুন কলেজ।

শ্রীশরচ্চন্দ্র শর্ম্মণঃ।



ভূমিকা



প্রথম পরিচ্ছেদ ।

পুরাকালে ভারতবর্ষে, মহাপ্রতাপশালী কুরু নামে এক নরপতি ছিলেন । ধর্ম্মপরায়ণ, সত্যসন্ধ, মহাপ্রতাপী কুরুরাজ “কুরুজাঙ্গল”-নামক যে স্থানে ভূপত্যা করেন, অত্যাপি সেই পবিত্র স্থান “কুরুক্ষেত্র” নামে অভিহিত । সুপ্রসিদ্ধ কুরুবংশে প্রতীপ নামে পরম ধার্ম্মিক এক রাজর্ষি জন্মগ্রহণ করেন । তৎকালে তাঁহার আয় সর্ববিশুদ্ধসম্পদ ও সর্বসম্পত্তির অধিকারী ভূপতি কেহই ছিলেন না ।

কালক্রমে মহারাজ প্রতীপের দেবাপি, শাস্ত্রমু ও বাহুলীক নামে তিন পুত্র জন্মগ্রহণ করেন। দেবাপি শৈশবাবস্থাতেই তপশ্চরণার্থ বনপ্রয়াগ করেন। স্মারপরায়ণ মহারাজ প্রতীপ বৃদ্ধবয়সে সংস্কারাশ্রমে বীতম্পৃহ এবং বানপ্রস্থধর্ম অবলম্বনে কৃতসঙ্কল্প হইয়া, দ্বিতীয় পুত্র শাস্ত্রমুকে নানা প্রকার রাজধর্ম উপদেশ প্রদানপূর্বক, হস্তিনার সিংহাসনে প্রতিষ্ঠিত করিয়া অরণ্যগমন করিলেন। শাস্ত্রমু রাজপদে প্রতিষ্ঠিত হইয়া, ধর্মশাস্ত্রানুমোদিত স্ত্রনিয়মে রাজ্য-শাসন ও অপত্যনির্বিশেষে প্রজাপালন করিতে লাগিলেন। তাঁহার স্ত্রশাসনে সমগ্র রাজ্য অপূর্ব-শ্রীসম্পন্ন হইয়া উঠিল; বহুসংখ্যক ধনধান্যপূর্ণ হইলেন; তস্করতা ও দস্যুবৃত্তি দেশ হইতে দূরীভূত হইল; সর্বত্র সাধুতা, সম্মান ও সুখসমৃদ্ধি বৃদ্ধি পাইতে লাগিল। প্রজাগণ সর্বদা সদাচার ও সৎকর্ম্য হইতে অণুমাত্র বিচলিত না হইয়া, সমগ্র রাজ্য শান্তিময় করিয়া তুলিল। ধার্মিকশ্রেষ্ঠ রাজচক্রবর্তী শাস্ত্রমু এইরূপ সুখসমৃদ্ধিপূর্ণ, শান্তি-ময় সাম্রাজ্যের অধিতীয় অধিপতি হইয়া, অবহিত-

চিত্তে ধৰ্ম্মানুমোদিত কার্যকলাপের অনুষ্ঠান করিয়া
পিতৃসুখে রাজ্যপালন করিতে লাগিলেন ।

বীরাগ্রগণ্য রাজা শাস্ত্রনু অত্যন্ত মৃগয়াপ্রিয়
ছিলেন । একদা তিনি মৃগয়ায় বহির্গত হইয়া,
অরণ্যে প্রবেশপূর্বক মৃগমহিষ প্রভৃতি নানাজাতীয়
বন্যপশুর প্রাণসংহার করিতে করিতে পরিজনভ্রষ্ট
হইয়া, একাকী সিদ্ধচারণপরিবেষিত রমণীয় ভাগী-
রথীতীরে উপনীত হইলেন । মৃগয়াবসানে প্রত্যাবৃত্ত
হইবার সময়, তিনি সাক্ষাৎ লক্ষ্মীর শ্যায় উজ্জ্বল-
তম, পরম-রমণীয়াকৃতি এক রমণীকে তরঙ্গিণীতীরে
নিরীক্ষণ করিলেন । সেই কামিনীর নয়নপ্রীতি-
পদ স্তূললিত কলেবর, রমণীয় দশনচ্ছদ, মনোহর
বেশভূষা, পরিধেয় সূক্ষ্ম পটবস্ত্র, এবং পদ্মোদরসদৃশ
রুচির বর্ণ নয়ন-গোচর করিয়া, রাজা বিস্মিত ও
চমকৃত হইলেন । মহারাজ শাস্ত্রনু সতৃষ্ণনয়নে
তাঁহাকে বারংবার নিরীক্ষণ করিয়াও নয়নের
তৃপ্তিলাভ করিতে পারিলেন না । কিছুকাল
দণ্ডায়মান থাকিয়া, তিনি উদ্ভ্রান্তচিত্তে নদীতীরে
বিচরণ করিতে লাগিলেন ; কিছুতেই সেই স্থান

পরিভ্রাণপূর্বক অশ্বত্রু গমন করিতে সমর্থ হইলেন না। সেই রমণীও অকিতৃপ্ত-নয়নে রাজার প্রতি পুনঃ পুনঃ দৃষ্টিপাত করিতে লাগিলেন।

এইরূপে কিয়ৎক্ষণ অতীত হইলে পর, রাজা তাঁহাকে মৃদুমধুরবচনে প্রিয়সস্তাষণপূর্বক জিজ্ঞাসা করিলেন,—“হে কৃশাজি! দেব, দানব, গন্ধর্ব্ব, অঙ্গরা, যক্ষ, পল্লগ ও মনুষ্য-মধ্যে তুমি কোন্ জাতিকে অলঙ্কৃত করিয়াছ? কোন্‌বংশে জন্মগ্রহণ করিয়া উহা পবিত্র করিয়াছ? কি নিমিত্তই বা এই কুসুম-সুকুমার নবীন বয়সে এই নির্জ্জন বনভূমিতে একাকিনী ভ্রমণ করিতেছ? কোন্‌ সৌভাগ্যবান পুরুষ তোমার পাণিগ্রহণ করিয়া কৃতার্থ হইবেন? আমার বাসনা যে, আমি তোমাকে পত্নীরূপে গ্রহণ করিয়া আমার জীবন চরিতার্থ করি।”

সেই হৃদয়ানন্দদায়িনী, প্রিয়দর্শনা প্রমদা রাজার মৃদুমধুর সন্মিত বচন শ্রবণ করিয়া, ঈষৎ হাস্য করিয়া কহিলেন,—“মহারাজ! আমি আপনার মন্থিত হইয়া, আপনার চিত্তানুবর্তন করিতে অনিস্কূক নহি। কিন্তু আমি যে সকল কার্যের অনুষ্ঠান করিব, তাহা

ভালই হউক, আর মন্দই হউক, তদ্বিষয়ে আমাকে নিবারণ করিতে পারিবেন না, এবং তন্নিমিত্ত আমার প্রতি কোনরূপ অপ্রিয় বাক্য প্রয়োগ করিতে পারিবেন না। যদি এইরূপ ব্যবহারে কালঘাপন করিতে সম্মত হন, তাহা হইলে আমি আপনার মহিষী হইতে স্বীকৃতা আছি। আমার কাধ্যে কোনরূপ বাধা কিংবা ব্যাঘাত জন্মাইলে, অথবা তন্নিমিত্ত বিরক্ত হইয়া অপ্রিয় কথা বলিলে, আমি তৎক্ষণাৎ আপনাকে পরিত্যাগ করিয়া চলিয়া যাইব।” রাজা পরম পরিতোষ সহকারে তৎক্ষণাৎ সম্মতি জ্ঞাপন করিলে, ঐ রমণী প্রতিনিধি বচনে পুনরায় কহিলেন,—“মহারাজ! আমি সুর-সরিৎ গঙ্গা।” আপনার অঙ্গীকার বাক্যে আমি পরম প্রীতি লাভ করিয়া আপনাকে পতিত্বে বরণ করিলাম। মহীপতিও সেই অলোকসামান্য সুন্দরী পত্নী লাভে যৎপরোনাস্তি প্রীত হইয়া, পূর্ববর্ত্ত নিয়মানুসারে কালাতিপাত করিতে লাগিলেন, এবং বিবিধ উপায়ে নিরন্তর তাঁহার সন্তোষোৎপাদনে বঙ্করান্ রহিলেন। ত্রিপথগামিনী গঙ্গা রমণীয়

কলেবর ধারণপূর্বক পরমসৌভাগ্যশালী ও পরম-
রূপবান্ মহারাজ শাস্ত্রমুর মহিষী হইয়া, তাঁহার
মনমুগ্ধ করিতে লাগিলেন। কালসহকারে রাজা
মহিষীর সদৃশে এমন আকৃষ্ট হইলেন যে, কণ-
কালও তাঁহার অদর্শনক্লেশ সহ করিতে সমর্থ
হইতেন না।

এইরূপে কয়েককাল অতীত হইলে, রাজমহিষী
ক্রমে ক্রমে অমরসদৃশ সাতটি পুত্র প্রসব করি-
লেন। পুত্রেরা ভূমিষ্ঠ হইবামাত্র তিনি তাহাদিগকে
নদীতীরে নিক্ষেপ করিতেন। রাজা এই নিষ্ঠুর
ব্যাপার দর্শন করিয়া সাতিশয় অসন্তুষ্ট হইতেন
বটে, কিন্তু কি জানি, পাছে গঙ্গাদেবী তাঁহাকে
পরিত্যাগ করিয়া চলিয়া যান, এই ভয়ে ভীত হইয়া
বাঙ্‌নিপ্পত্তি করিতে পারিতেন না। অনন্তর যথা-
সময়ে অষ্টম পুত্র ভূমিষ্ঠ হইল। রাজা সপ্তপুত্র-
শোকে নিতান্ত কাতর ছিলেন; এবার পুত্রটি
জীবিত থাকে, এই আশয়ে কঠোরস্বরে পত্নীকে
কহিলেন,—“এ পুত্রটি বিনষ্ট করিও না। তুমি
কে ? কি নিমিত্তই বা নির্মমহৃদয়ে মিত্র পুত্র-

গগকে বিনষ্ট করিতেছ ? হে পুত্রধাতিনি ! অপেক্ষা
হিংসা অপেক্ষা গুরুতর পাপ আর কিছুই নাই ।
অতএব এই গর্হিত নিষ্ঠুরাচরণ হইতে বিরত হও ।”

তখন মহিষী কহিলেন,—“মহারাজ ! আমি
তোমার এই পুত্রটিকে বিনষ্ট করিব না । পূর্বকৃত
নিয়মানুসারে আমি অস্ত্র হইতে তোমাকে পরিত্যাগ
করিলাম । আমি মহর্ষি জহুর কন্যা, আমার
নাম গঙ্গা । দেবকার্যসাধনার্থ আমি তোমার
ভাৰ্যা হইয়াছিলাম ; বিনষ্ট সম্ভানগুলিকে সামান্য
মনুষ্য জ্ঞান করিও না । মহাপ্রতাপশালী বশুগণ
মহর্ষি বশিষ্ঠের শাপে মনুষ্যত্ব প্রাপ্ত হইয়াছিলেন ।
তোমা ব্যতীত অন্য কোন ব্যক্তি ইঁহাদের পিতা
হইবার যোগ্য নহেন, এবং আমা ব্যতীত অপর
কোন স্ত্রী ইঁহাদের জননী হইবার যোগ্য নহেন ।
এই নিমিত্ত আমি মনুষ্যবপু ধারণ করিয়া, ইঁহাদিগকে
গর্ভে ধারণ করিয়াছিলাম । তুমিও ইঁহাদের জনক
হইয়া অক্ষয় কীর্তি লাভ করিয়াছ । আমি
ইঁহাদের নিকট আশ্রয়কার করিয়াছিলাম যে,
জ্যোৎস্না আমার গর্ভে জন্মিবামাত্র আমি তোমাদিগকে

মনুষ্যালোক হইতে মুক্ত করিব। ইহারা মহাপ্রভাব
বশিষ্ঠের শাপ হইতে মুক্তিলাভ করিয়াছেন, এবং
আমিও প্রতিজ্ঞাসাগর উত্তীর্ণ হইয়াছি। এক্ষণে
আমি স্বস্থানে প্রস্থান করিতেছি। মদগর্ভজাত
এই পুত্রটিকে গঙ্গাদত্ত বলিয়া গ্রহণ ও পালন
কর।”

গঙ্গাগর্ভজাত শাস্ত্রমুতনয় দেবব্রত রূপ, গুণ,
ধন্য, আচার, বিজ্ঞা ও বুদ্ধিতে পিতা অপেক্ষা
কোনপ্রকারে ন্যূন হইলেন না। ক্রমে তিনি
যৌবনসীমায় পদার্পণ করিলেন। তাঁহার প্রশস্ত
ললাট, বিশাল বক্ষঃস্থল, স্থূল শরীর, সুগঠিত আজামু-
লম্বিত বাহুযুগল এবং স্থূলোন্নত দেহ দেখিয়া, পৌর-
জানপদবর্গ সকলেই প্রীতিলভ করিলেন। কুমার
সর্ববিশেষে সুপণ্ডিত ও অদ্বিতীয় ধর্মপরায়ণ হইয়া
উঠিলেন। তাঁহার যেমন অসাধারণ বুদ্ধি ও প্রতিভা,
সেইরূপ অপ্রমেয় বলবীৰ্য্য ও অবিচলিত অধ্যবসায়
ছিল। বেদবেদাঙ্গ ও ধর্মুর্বেদেও তিনি তদনুরূপ
পারদর্শিতা লাভ করিয়াছিলেন। শাস্ত্রজ্ঞান, অস্ত্র-
বিজ্ঞা, সদসদ্বিবেক প্রভৃতি বিষয়ে তিনি

অপেক্ষা কোন অংশে ন্যূন ছিলেন না ; তথাপি
বিনয়বশতঃ সর্বদা গুরুজনসমীপে বিনীতভাবে
অবস্থান করিতেন ।

মহারাজ শান্তনু প্রিয়পুত্র দেবব্রতকে যৌবন-
সীমায় উপনীত ও মহাবলপরাক্রান্ত দেখিয়া, হৃষ্ট-
চিত্তে মন্ত্রী, অমাত্যবর্গ এবং প্রধান প্রধান পৌর ও
জ্ঞানপদ ব্যক্তিবর্গের সমক্ষে, তাঁহাকে যৌবরাজ্যে
অভিষিক্ত করিয়া, তদীয় হস্তে রাজকার্য্যের অনেক
ভার অর্পণ করিলেন । যুবরাজ নিজ সদ্যবহার ও
সৎকার্য্যদ্বারা প্রকৃতিবর্গের প্রীতিবর্দ্ধন করিতে
লাগিলেন । তাঁহার আত্মসংযম, অলৌকিক পিতৃ-
ভক্তি ও অসাধারণ লোকানুরাগ দেখিয়া, আত্মীয়
স্বজনেরা আহলাদসাগরে ভাসমান হইলেন । প্রজা-
বর্গের মঙ্গলসাধনে নিরন্তর যত্নশীল থাকিয়া, তিনি
বয়োবৃদ্ধদিগের প্রতি যথোচিত সম্মান, এবং সম-
বয়স্ক বন্ধু ও অমাত্যপুত্রদিগের প্রতি সৌজন্য
প্রকাশ করিয়া, তাঁহাদিগের প্রীতিবর্দ্ধন করিতে
লাগিলেন । অরাতিকূল তাঁহার বলবিক্রমে ভীত
হইল । আত্মীয়গণ তাঁহার প্রীতিময় সৌম্যভাবে

সম্ভৃষ্ট হইলেন। পরস্পর বিরুদ্ধভাবাপন্ন গুণ-সমূহকে তাঁহার শরীরে একাধারে সমাবেশিত দেখিয়া, প্রজাবর্গ বিস্মিত হইলেন। শাস্ত্রমু সর্বত্র সকল লোকের মুখে পুত্রের প্রশংসাবাদ শ্রবণে অত্যন্ত আহ্লাদিত হইলেন। উদারচেতা দেবব্রত বিপন্ন ব্যক্তিকে বিপদ হইতে উদ্ধার এবং আর্ন্ত ব্যক্তিকে সহায়তা করিতে পারিলে, মনে মনে অত্যন্ত আহ্লাদ অনুভব করিতেন।

এইরূপে পুত্রের সহিত চারি বৎসর পরম সুখে অতিবাহিত হইল। একদা রাজা যদৃচ্ছাক্রমে প্রসন্ন-পুণ্যসলিলা কালিন্দীতটস্থিত অটবীমধ্যে প্রবেশ করিয়া, শীতল জলকণবাহী, পরমস্নিগ্ধ বায়ু সেবন করিতে করিতে, সহসা অননুভূতপূর্ব, চিত্তাকর্ষণকারী এক অপূর্ব সৌরভ আভ্রাণ করিলেন। সেই পরম মনোহর সৌরভ আভ্রাণ করিয়া, রাজা ক্ষণকাল উদ্ভ্রাস্তচিত্তে দণ্ডায়মান রহিলেন। কিছুকাল এইরূপে থাকিয়া, কোথা হইতে সেই সুরভি গন্ধ সঞ্চালিত হইয়া কাননভূমিকে আমোদিত করিয়া তুলিয়াছে, তাহা জানিবার নিমন্ত

ইতস্ততঃ অনুসন্ধান করিতে লাগিলেন। অনন্তর
 অদিতলোচনা, পরমরূপলাবণ্যসম্পন্ন, দিব্যাজনার
 স্থায় এক রমণীরত্ব তাঁহার নয়নগোচর হইল।
 তাঁহার শরীরের গন্ধ আশ্রয় করিয়া বুঝিতে পারি-
 লেন যে, ঐ গন্ধই ইতস্ততঃ সঞ্চালিত হইয়া কানন-
 ভূমিকে আমোদিত করিয়া তুলিয়াছে। ক্ষণকাল
 নির্নিমেষলোচনে তদীয় রূপরাশি সন্দর্শনে পরম
 কোতূহলী হইয়া, রাজা তাঁহার সম্মুখে অগ্রসর
 হইলেন এবং মধুরবচনে তাহাকে সম্বোধন করিয়া
 কহিলেন,—“অগ্নি শোভনে! তুমি কে? কাহার
 পত্নী? কি নিমিত্তই বা এই বিজন বনভূমিতে
 একাকিনী ভ্রমণ করিতেছ?” কন্যা বিনয়নম্রবচনে
 ধীরে ধীরে প্রত্যুত্তর করিল,—“মহাশয়! আমি
 ধীবরকন্যা; পিতা দাশরাজের আদেশে যমুনাতে
 নৌকা পরিচালন করি এবং আতর গ্রহণ না করিয়া
 লোকদিগকে নদীপার করিয়া দিয়া থাকি।” মহারাজ
 শান্তমুখী ধীবরকন্যার তথাবিধ অমুপমরূপমাধুরী
 সন্দর্শনে এবং অঙ্গসৌরভ আশ্রাণে মুগ্ধ হইয়া,
 দাশরাজের নিকট গমন পূর্বক, পুত্রাস্তর-স্বাক্ষ-

কামনায় ঐ রূপবতীকে পত্নীরূপে গ্রহণ করিবার অভিপ্রায় প্রকাশ করিলেন ।

ধীবররাজ সসম্মানে গাজ্রোত্থান করিয়া পাণ্ডার্থ্য প্রদানপূর্বক রাজাকে উপবেশন করাইয়া বিনীতভাবে বলিলেন,—“প্রজানাথ ! যখন কন্যা জন্মগ্রহণ করিয়াছে, অবশ্যই তাহাকে পাত্রসংগ্রহ করিতে হইবে । আপনি ভুবনবিখ্যাত পবিত্র কুরুকুলে জন্মগ্রহণ করিয়াছেন, আপনি সর্বশাস্ত্র-বিশারদ, সত্যবাদী এবং বিপুল সাম্রাজ্যের একমাত্র অধীশ্বর ; আপনার যেমন সুন্দর ও সৌম্য আকৃতি, সেইরূপ অসাধারণ তেজস্বিতা ও প্রভুত্ব । শাস্ত্রে বলে,—‘গুণহীন বরে কদাপি কন্যাদান করিবে না ।’ আপনি সর্বগুণাধার, এবং কন্যাদানের উপযুক্ত সৎপাত্র । যদি আপনি আমার কন্যাকে ধর্ম্য-পত্নীরূপে গ্রহণ করেন, তাহা হইলে আপনাকে আমার একটি অভিলাষ পূর্ণ করিতে স্বীকৃত হইতে হইবে ।” ইহা শুনিয়া শাস্ত্রমু কহিলেন,—“ধীবররাজ ! তোমার প্রার্থনা অগ্রে শ্রবণ না করিয়া ক্রুরূপে উহা পূর্ণ করিতে সম্মত হইতে পারি ?

যদি অভিলষিত বস্তু দানযোগ্য হয়, এবং তাহাতে কোন বাধা না থাকে, তাহা হইলে, নিশ্চয়ই উহা দান করিব।”

এই কথা শ্রবণ করিয়া দাসরাজ কহিলেন,—
“মহারাজ! এই কন্যার গর্ভে যে পুত্র জন্মিবে, আপনার অবর্তমানে সেই পুত্রই রাজ্য হইবে, অল্প কেহ সিংহাসনে অধিষ্ঠিত হইতে পারিবে না—ইহাই আমার অভিলাষ।” রাজা এই দারুণ অভিলাষ শ্রবণ করিয়া মনে মনে অত্যন্ত ক্ষুব্ধ হইলেন, এবং ধীবরকন্যা সত্যবতীর প্রতি একান্ত আসক্ত হইয়াও, ধীবরের প্রার্থিত বিষয় প্রদানে সন্মত হইতে পারিলেন না। যাহার শাস্ত্রজ্ঞান, বিনীতভাব, সাধু-কৰ্ম্মানুষ্ঠান, বীরত্ব সমস্ত পৌরজানপদবর্গ একবাক্যে প্রশংসা করেন, সেই সর্বজনপ্রিয়, প্রাণাধিক প্রিয়তম পুত্রকে তিনি রাজ্যাধিকার হইতে কিছুতেই বঞ্চিত করিতে সন্মত হইতে পারিলেন না। ধীবর-কন্যার অনুপম রূপলাবণ্য মনে মনে চিন্তা করিতে করিতে হস্তিনাপুরে প্রত্যর্জন করিলেন।

গজাদেবী তাঁহাকে পরিত্যাগ করিয়া চলিয়া

জীবন

যাইবার পর, রাজা শাস্ত্রমু অশ্রু দারপরিগ্রহ করেন নাই । সত্যসন্ধ দেবব্রত ব্যতীত তাঁহার আর দ্বিতীয় পুত্র ছিল না । যদি দৈবদুর্ঘটনাবশতঃ দেবব্রতের কোন অনিষ্টসঙ্ঘটন হয়, তাহা হইতে কুলস্থিতির আর কোন সম্ভাবনা নাই বুঝিয়া, তিনি ভার্য্যাস্তর-গ্রহণে ইচ্ছুক হইয়াছিলেন । দাশরাজের কথা তাঁহার সঙ্কল্পসিদ্ধির বিশেষ বিঘ্নজনক মনে করিয়া, তিনি রাজধানীতে প্রত্যাগমন করিয়া, অতিশয় উদ্ভিগ্নচিত্তে কালাতিপাত করিতে লাগিলেন । তিনি পূর্ব্বের শ্রায় রাজকার্য্যে আর মনোনিবেশ করিতে পারিতেন না । তাঁহার চিত্তের প্রফুল্লতা একেবারে অন্তর্হিত হইল । দুর্বিষহ চিন্তানলে তাঁহার অন্তরাত্মা দগ্ধ হইতে লাগিল । তিনি কাহারও সহিত আলাপ করিতে বিরক্তি বোধ করিতেন । ক্রমে ক্রমে তাঁহার শরীর কৃশ, নয়নযুগল নিষ্প্রভ ও মুখ মলিন হইতে লাগিল ।

কিছুকাল পরে একদিন দেবব্রত পিতার নিকটে উপস্থিত হইয়া, তাঁহাকে বিষন্ন ও চিন্তাকুল দেখিয়া, বিনীতভাবে তদীয় চরণযুগল বন্দনা

করিয়া কৃতাজ্জলিপুটে জিজ্ঞাসা করিলেন,—তাত !
 আপনার রাজ্যে চিরশাস্তি বিরাজিত, সমুদায়
 রাষ্ট্রমণ্ডল আপনার আজ্ঞাধীন, প্রজাসমূহ সুখ-
 সমৃদ্ধিতে বাস করিতেছেন, কোনরূপ শত্রুভয়
 দেখিতেছি না। তথাপি কি নিমিত্ত নিরন্তর আপ-
 নাকে চিন্তাকুল ও বিষন্ন দেখিতেছি ? আপনি সৰ্ব্ব-
 দাই যেন শূন্যহৃদয়ে রহিয়াছেন ; পুত্র বলিয়া পূর্বের
 স্থায় আমাকে সাদরসম্ভাষণ করেন না ; অশ্বারোহণে,
 মৃগয়া প্রভৃতিতে আর কোনরূপ ইচ্ছা নাই ;
 দিন দিন কেবল মলিন ও পাণ্ডুবর্ণ হইতেছেন।
 আপনার এমন কি রোগ হইয়াছে, যাহা দ্বারা
 আপনার এইরূপ অবস্থাস্তর ঘটিয়াছে ? অনুমতি
 করুন, আমি তাহার প্রতিবিধানের ব্যবস্থা
 করিতেছি।”

পুত্রের আগ্রহাতিশয় দর্শনে রাজা তাঁহাকে
 ক্রোড়ে উপবেশন করাইয়া ধীরে ধীরে কহিলেন,—
 ‘বৎস ! তুমিই আমাদের বংশে একমাত্র পুত্র,
 তাম্রার উপর বংশস্থিতি নির্ভর করিতেছে। তুমি
 যত্নশস্ত্রে সুশিক্ষিত ও পুরুষকারবিশিষ্ট হইয়াছ।

সমস্তি ব্যাধারে ধীবররাজসদীপে সন্মান করিয়া, শিতা-
মিমিস্ত স্বয়ং তদীয় কন্যা প্রার্থনা করিলেন ।

দাশরাজ কুমার দেবব্রতকে স্বথোচিত সন্মান-
প্রদর্শনপূর্বক বসিতে আসন প্রদান করিলেন ।
তিনি আসনে উপবিষ্ট হইলে, ধীবররাজ কহিলেন,—
“হে ভরতকুলবর্ভ ! আপনি মহারাজ শান্তনুর কুল-
প্রদীপ । * আপনার জ্যায় সত্যবাদী, জিতেন্দ্রিয়,
পিতৃভক্ত পুত্র দৃষ্টিগোচর হয় না । আপনিই
নিজে বিবেচনা করিয়া দেখুন, ঈদৃশ শ্লাঘ্য সম্বন্ধ
পরিত্যাগ করিলে কোন্ ব্যক্তি অনুতাপগ্রস্ত না
হয় ? মহর্ষি পরাশর সত্যবতীর পাণিগ্রহণে একান্ত
উৎসুক ছিলেন, কিন্তু আমি সেই অসিতাজ মুনিকে
প্রত্যাখ্যান করিয়াছি । আমি কন্যার পিতা, আমার
একটি বক্তব্য আছে, আমি তাহা আপনাকে
বলিতেছি, শ্রবণ করুন । এই পরিণয়কার্য সম্পন্ন
হইলে, আপনার সহিত শত্রুতা ঘটিবার সম্ভাবনা
আছে । আপনি যে রূপ বলবীৰ্য্যসম্পন্ন, তাহাতে
আপনি ক্রুদ্ধ হইলে, কি সুর, কি অসুর, কি গন্ধর্ব্ব,
সে বত বীরই হউক না কেন, সমস্ত শত্রুগণই

অতিরিক্তমধ্যে বিনষ্ট হইবে; সম্ভেদ নাই।
 রাজকুমার! কেবল এই একটীমাত্র বাধা দৃষ্ট
 হইতেছে; নতুবা এ বিষয়ে অপর কোন বাধা
 নাই।”

পিতৃভক্ত গাঙ্গেয় ধীবররাজের বাক্য শ্রবণ
 করিয়া, কিছুমাত্র বিচলিত হইলেন না, এবং তাঁহার
 কোনরূপ চিন্তাবৈকল্য ঘটিল না। তাঁহার পিতৃ-
 ভক্তি অটল। তাঁহার চিত্ত হইতে স্বার্থচিন্তা ও
 বিষয়ভোগবাসনা দূরীভূত হইল। তিনি স্বার্থ-
 ত্যাগের অভূতপূর্ব পরিচয় দিতে প্রস্তুত হইয়া
 দাশরাজকে সম্বোধন করিয়া কহিলেন,—“হে
 সৌম্য! আমার সত্যব্রত শ্রবণ কর,—আমি
 প্রতিজ্ঞা করিতেছি, তুমি যাহা বলিবে, আমি
 আহ্লাদ-সহকারে সেইরূপ কার্য্যই করিব। যিনি
 তোমার কন্যার গর্ভে জন্ম গ্রহণ করিবেন, তিনিই
 হস্তিনার সিংহাসনে অধিরোহণ করিয়া, আমাদের
 রাজা হইবেন এবং আমিও তাঁহাকে বিস্তৃত কুরু-
 রাজ্যের অধিপতি বলিয়া স্বীকার করিব। এই
 প্রতিজ্ঞার অন্তিমাত্র ব্যতিক্রম ঘটবে না। এক্ষণে

তোমার অপর কোন আগন্তি আছে কিনা, প্রকাশ
করিয়া আমার উৎকণ্ঠা দূর কর ।”

ধীবররাজ কাহিলেন,—“মহাশয় ! আপনি
রাজ্যের হিতার্থে অতিশয় দুষ্কর কার্যে প্রবৃত্ত হই-
য়াছেন। আপনি পিতৃপক্ষের কর্ত্তা হইয়া আমার
নিকট কন্যার প্রার্থনা করিতে আসিয়াছেন। আমার
একান্ত ইচ্ছা যে, আপনি কন্যাপক্ষেরও কর্ত্ত্ব গ্রহণ
করেন। ইহার দানবিষয়েও আপনাকে সম্পূর্ণ অধি-
কার প্রদত্ত হইল। কিন্তু আমার আর একটি কথা
আছে। আপনাকে তদনুরূপ কার্য করিতে হইবে।
আপনার নিকট পুনরায় ঈদৃশ প্রস্তাব করাতে আমার
নিতান্ত বালকত্ব প্রকাশ পাইবে বটে, তথাপি সন্দি-
হান হইয়া জিজ্ঞাসা করিতেছি। আপনি সত্য-
বতীর জন্য যেরূপ প্রতিজ্ঞাপাশে বদ্ধ হইলেন,
তাহা আপনার অননুরূপ নহে, এবং উহা আপনার
মহৎ চরিত্রের যোগ্যই হইয়াছে। আপনার প্রতিজ্ঞা
যে মিথ্যা হইবে না, তদ্বিষয়ে আমি অণুমাত্র সন্দেহ
করি না; কিন্তু যিনি আপনার পুত্র হইবেন, তাঁহার
ঐতি আমি বিশ্বাস স্থাপন করিতে পারিতেছি না।

শিতার প্রিয়ভিকীরু, মনস্বী, সত্যব্রত দেবব্রত
 ধীবররাজের অভিসন্ধি বুঝিতে পারিয়া, গম্ভীরস্বরে
 তাঁহাকে সনোধন করিয়া কহিলেন,—“হে দাশরাজ !
 আমি ইতিপূর্বেই সাম্রাজ্য পরিত্যাগ করিয়াছি;
 এক্ষণে প্রতিজ্ঞা করিতেছি, অদ্যাবধি ব্রহ্মচর্য্য অব-
 শ্বসন করিব। আমি অপুত্রক হইলেও আমার অক্ষয়
 বর্গলাভ হইবে। কারণ, শাস্ত্রে কথিত আছে,—

“পিতা ধর্ম্মঃ পিতা স্বর্গঃ পিতা হি পরমং তপঃ।

পিতরি প্রীতিমাপন্যে প্রীয়ন্তে সর্বদেবতাঃ ॥”

“পিতাই ধর্ম্ম, পিতাই স্বর্গ, পিতাই পরম তপস্তা;
 পিতা প্রীতিপ্রাপ্ত হইলে সমস্ত দেবতা প্রীত হন।”
 যদি সূর্য্যদেব পশ্চিমে উদিত হন, যদি অগ্নি উত্তাপশূন্য
 হয়, যদি সমগ্র বিশ্ব প্রলয়পয়োধিজলে নিমগ্ন
 হয়, যদি মুহূর্ত্তমধ্যে সৃষ্টি বিনষ্ট হয়, তথাপি
 আমি আমার প্রতিজ্ঞা-পালন-ব্রত হইতে কক্ষিমাাত্র
 বিচলিত হইব না।”

দাশরাজ দেবব্রতের এই সর্বজনবিস্ময়কর,
 অদ্ভুত প্রতিজ্ঞা শ্রবণ করিয়া, হর্ষ-পুলকিত হইয়া
 কহিলেন,—“মহাত্মন! আমি আগুনীর পিতাকেই

‘কন্যা দান করিব ।’ ‘দেবতা ও অঙ্গরোগণ অন্তরীক্ষ
 হইতে দেবত্রতের মস্তকোপরি পুষ্পবৃষ্টি করিতে
 লাগিলেন ; এবং তাঁহার ভীষণ প্রতিজ্ঞার নিমিত্ত
 তাঁহাকে “ভীষ্ম” বলিয়া সম্বোধন করিলেন । যুব-
 রাজ দেবত্রত তদবধি “ভীষ্ম” নামে প্রসিদ্ধ হইলেন ।
 অনন্তর পিতৃভক্ত ভীষ্ম সত্যবতীকে কহিলেন,—
 “মাতঃ ! রথে আরোহণ করুন, আমরা গৃহে
 গমন করি !”

অনন্তর দেবত্রত সত্যবতী-সমভিব্যাহারে
 রথারোহণপূর্বক রাজধানী হস্তিনাপুরে আগমন
 করিলেন এবং পিতৃসমীপে উপস্থিত হইয়া, তদীয়
 চরণবন্দনাপূর্বক বিনীতভাবে কৃতাজ্জলিপুটে সমস্ত
 বৃত্তান্ত নিবেদন করিলেন । রাজগণ সমবেত ও
 পৃথক পৃথক হইয়া, মুক্তকণ্ঠে তাঁহার এই দুর্লভ
 কার্যের জন্ত ভুরি ভুরি প্রশংসা করিতে লাগিলেন
 এবং তাঁহাকে “ভীষ্ম” বলিয়া সম্বোধন করিতে
 লাগিলেন । রাজা শান্তনু ভীষ্মের অসাধারণ ক্ষমতা
 ও কৃচ্ছ্রসাধ্য ব্যাঞ্জারে দৃঢ়তর অধ্যবসায় দর্শনে
 সাতিশয় আনন্দিত হইয়া, তাঁহাকে এই বর দিলেন
 যে যেচ্ছা-ব্যতিরেকে তোমার মৃত্যু হইবে না ।



দ্বিতীয় পরিচ্ছেদ ।

রাজা শাস্ত্রমু সেই পরমরূপলাবণ্যবতী সত্য-
বতীকে পত্নীরূপে প্রাপ্ত হইয়া, পরমস্বখে দিনপাত
করিতে লাগিলেন । পিতৃভক্ত পুত্রের অদ্বুতকার্য্য
দ্বারা তাঁহার মনোবেদনা দূরীভূত হইল । সত্যব্রত
ভীষ্ম সমভাবে পিতা ও মাতা উভয়ের শুশ্রূষা ও
সন্তুষ্টিসাধনে নিয়ত নিযুক্ত রহিলেন । সত্যবতী
ভীষ্মের সদ্যবহারে সন্তুষ্ট হইয়া, পরমস্বখে রাজ-
সংসারে অবস্থিতি করিয়া, রাজার প্রীতিসম্পাদনে
বদ্ববতী হইলেন । এইরূপে পরমস্বখে দিন অতি-
বাহিত হইতে লাগিল ।

কিছুদিন পরে, মহিষী সত্যবতী পরমরূপবান্ এক পুত্র প্রসব করিলেন। প্রজাবর্গ রাজকুমারের জন্মসংবাদে আহ্লাদসাগরে মগ্ন হইয়া, নানারূপ উৎসবের অনুষ্ঠান করিতে লাগিল। নবকুমারের মুখদর্শন করিয়া রাজা আহ্লাদিত হইলেন এবং তাহার জাতকস্মাদি সম্পন্ন করিয়া “চিত্রাঙ্গদ” নাম রাখিলেন। মহামতি ভীষ্ম চিত্রাঙ্গদের শিক্ষার ভারগ্রহণ করিয়া, তাঁহাকে নানাশাস্ত্রে, রাজকার্যে ও ধর্মুবিদ্যায় শিক্ষাপ্রদান করিতে লাগিলেন।

অসাধারণধীশক্তিসম্পন্ন চিত্রাঙ্গদ অচিরকাল মধ্যে সর্ববিদ্যাপারদর্শী হইয়া উঠিলেন। পুত্রকে কৃতবিদ্য দেখিয়া, পিতার আহ্লাদের সীমা রহিল না। কিছুকাল অতীত হইলে, “বিচিত্রবীৰ্য্য” নামে রাজার আর একটি পুত্র জন্মিল। বিচিত্রবীৰ্য্যের শৈশবাবস্থাতেই মহারাজ শান্তনু মানবলীলা-সংবরণ করিলেন।

পিতার স্বর্গারোহণে পিতৃভক্ত ভীষ্ম শোকে একান্ত অতিভূত হইলেন। পিতৃসেবাই তাঁহার জীবনের প্রধান উদ্দেশ্য ও অবলম্বন ছিল; তাঁহার

কদম্বও পিতৃভক্তিপূর্ণ ছিল। পিতৃসেবা, পিতার প্রিয়কাম্যসাধন, পিতার সমুদ্ভিক্ষম্পাদন করিতে পারিলেই তিনি আপনাকে চরিতার্থ মনে করিতেন। পিতার লোকান্তরপ্রাপ্তিতে ত্রিভুবন তাঁহার নিকট শূন্য ও সুখরহিত বলিয়া প্রতীয়মান হইতে লাগিল। মহামনা ভীষ্ম পিতৃশোকে এইরূপ কাতর হইলেও নিজ কর্তব্যপথ হইতে কিছুমাত্র বিচলিত হইলেন না। তিনি শোকাবেগ সংবরণপূর্বক যথাবিধি পিতার ঔদ্ধৈহিক ক্রিয়া সম্পন্ন করিলেন।

শাস্ত্রমু স্বর্গারোহণ করিলে, মহামনা ভীষ্ম সত্যবতীকে সম্বোধন করিয়া বলিলেন,—“মমতঃ ! কুমার চিত্রাঙ্গদ নানাবিধ শাস্ত্র ও ধর্মুর্বেদে বিশেষ পারদর্শিতা লাভ করিয়াছে, তাহাকে এক্ষণে রাজ্যাভিষিক্ত করিলে, প্রজাবর্গ সকলেই সুখী হইবে। এই কথা শ্রবণ করিয়া সত্যবতী উহাতে অনুমোদন করিলে, ভীষ্ম শুভদিনে মন্ত্রী, অমাত্য-বর্গ ও প্রজামণ্ডলীর সম্মুখে তাঁহাকে হস্তিনার সিংহাসনে অধিরোহণ করাইলেন এবং নানা সমুপদেশ প্রদানপূর্বক অগ্রমস্তচিন্তে রাজ্যাশাসক

ও অপত্যনির্বিশেষে প্রজাপালন করিতে বলিলেন ।
 অমিতবিক্রম চিত্রাঙ্গদ রাজপদে প্রতিষ্ঠিত হইয়া,
 শত্রুদিগের পরাজয়সাধনে কৃতসঙ্কল্প হইলেন ।
 তিনি শৌর্য্যে ও বীৰ্য্যে কাহাকেও নিজের সমকক্ষ
 মনে করিতেন না । চতুঃপার্শ্ববর্তী ভূপতিগণ একে
 একে তাঁহার বশ্যতা স্বীকার করিলেন । একদা
 চিত্ররথ নামে প্রবল-পরাক্রান্ত এক গন্ধর্বরাজ
 সৈন্যসামন্ত-সমভিব্যাহারে সগর্বে চিত্রাঙ্গদকে সমরে
 আহ্বান করেন । প্রসিদ্ধ কুরুক্ষেত্রে পুণ্যতোয়া
 সরস্বতীতীরে ক্রমাগত তিন বৎসর ব্যাপিয়া উভয়
 পক্ষের ঘোরতর সংগ্রাম হয় । অবিশ্রান্ত অষ্ট-
 বর্ষণে, কখন বা পরস্পর গাত্রবিমর্দে রণস্থল তুমুল
 হইয়া উঠিল । মায়াবী গন্ধর্ব মায়াবলে চিত্রাঙ্গদের
 প্রাণসংহার করিয়া স্বর্গমার্গে প্রস্থান করিলেন ।

সেই অমিততেজা নরেন্দ্র যুদ্ধে নিহত হইলে,
 মহামতি ভীষ্ম নিরতিশয় দুঃখিত হইলেন । যথাবিধি
 প্রেতকৃত্য সম্পাদন করাইয়া, তিনি মাতার অনুমতি
 গ্রহণপূর্ব্বক অপ্রাপ্তবয়স্ক বিচিত্রবীৰ্য্যকে রাজ্যে
 অভিষিক্ত করিলেন । বিচিত্রবীৰ্য্য পৈতৃক সিংহাসনে

অধিরূঢ় হইয়া ধর্মশাস্ত্রকুশল ভীষ্মের প্রতি বথো-
 চিত সম্মানপ্রদর্শনপূর্বক তাঁহার আদেশানুসারে
 রাজকার্য্য পর্যালোচনা করিতে লাগিলেন। ভীষ্মও
 অনশ্রুকর্ম্মা ও অনশ্রুমনা হইয়া তাঁহার শিক্ষাপ্রদানে
 ও প্রতিপালনে মনোনিবেশ করিলেন। অচিরকাল-
 মধ্যেই বিচিত্রবীর্য্য রাজকার্য্যে বিশেষ পারদর্শিতা
 লাভ করিয়া সর্ব্বজনপ্রিয় হইয়া উঠিলেন।*

বিচিত্রবীর্য্য বাল্যাবস্থা অতিক্রম করিয়া যৌবন-
 সীমায় পদার্পণ করিলে, মহাত্মা ভীষ্ম তাঁহার বিবাহ
 দিবার মানস করিলেন। এই সময়ে কাশীরাজের
 তিন কন্যা স্বয়ংবরা হইবেন, এই কথা ভীষ্মের
 ঐতিগোচর হইল। কাশীরাজ বংশমর্য্যাদায় কুরু-
 কুলের যোগ্য ছিলেন এবং কন্যাগণও পরমরূপ-
 লাবণ্যসম্পন্না ছিলেন। এই সমস্ত অনুধাবন
 করিয়া, ভীষ্ম ঐ তিন কন্যার সহিত বিচিত্রবীর্য্যের
 বিবাহ দিবার সঙ্কল্প করিলেন। তিনি মাতার
 অনুমতি লইয়া সৈন্যসামন্ত-সমভিব্যাহারে রথ-
 রোহণপূর্ব্বক বারাণসী যাত্রা করিলেন। নির্দিষ্ট
 দিনে স্বয়ংবরসভায় সমাগত হইয়া দেখিলেন,

বিবাহার্থী নরপতিগণ বরবেশে সুসজ্জিত হইয়া, নানাবিধ উজ্জ্বলরত্নখচিত সিংহাসনে উপবিষ্ট রহিয়াছেন। অপূর্বসভামণ্ডপে পুনঃ পুনঃ হৃন্দুভি-
 রব ও মাজলিক শব্দধ্বনি হইতেছে। অগুরু-
 চন্দন, ধূপ ও অশ্রুশ্রুত সুগন্ধি দ্রব্যে চতুর্দিক
 আমোদিত হইয়াছে। স্থানান্তরে রাজকন্যাগণ
 স্বয়ংবরোচিত বহুমূল্যরত্নখচিত উজ্জ্বলবেশভূষায়
 সজ্জিত হইয়া, আসন পরিগ্রহ করিয়া উপবিষ্টা
 আছেন। পার্শ্বে পরিচারিকাগণ শ্বেত চামর ব্যজন
 করিতেছে এবং সখীগণ মালাচন্দন-হস্তে দণ্ডায়মান
 রহিয়াছে।

বন্দীগণ স্তুতিবাদপাঠানন্তর সমবেত রাজগণের
 বংশ, নাম ও গুণ কীর্তন করিলে পর, ভীষ্ম সভা-
 মণ্ডপে দণ্ডায়মান হইয়া, জলদগস্তীরস্বরে কহিতে
 লাগিলেন,—“আমি প্রতিজ্ঞা করিয়াছি, চিরদিন
 কোমায়ব্রত পালন করিব, কদাপি দারপরিগ্রহ করিব
 না; আমি স্বয়ং এই রাজকন্যাদিগের পানি-
 গ্রহণার্থী হইরা, এই স্বয়ংবরসভায় উপস্থিত হই
 নাই; আমার ভ্রাতা বিচিত্রবীৰ্য্য সুবিশাল কুরু-

রাজ্যের অধিপতি ; তিনি এক্ষণে বৌদনসীমার
 পদার্পণ করিয়াছেন, সেই রূপগুণম্পন্ন, অতুল
 ঐশ্বৰ্য্যের অধিপতি কুরুরাজের সহিত এই গুণবতী
 কন্যাদিগের বিবাহ দিতে অভিলাষ করিয়া, আমি
 এই স্থানে উপস্থিত হইয়াছি।” অনন্তর মহীপাল-
 গণকে সম্বোধন করিয়া কহিলেন,—“হে মহীপাল-
 গণ ! শ্রবণ করুন,—কেহ কেহ কন্যাকে বিচিত্র
 বস্ত্রালঙ্কারে ভূষিত করিয়া, ধনদানপূর্ব্বক গুণবান্
 পাত্রের সমর্পণ করেন ; কেহ কেহ গোমিথুন
 প্রদান করিয়া কন্যাকে পাত্রসাৎ করেন ; কেহ বা
 প্রতিজ্ঞাত ধনদানপুরঃসর কন্যাদান করেন ; কেহ
 বলপূর্ব্বক বিবাহ করিয়া থাকেন ; কেহ বা প্রণয়-
 সম্ভাষণে রমণীর মনোরঞ্জন করিয়া, তদীয় পাণি-
 পীড়ন করেন ; কেহ বা প্রেমভা নায়ীর পাণিগ্রহণ
 করেন ; কেহ বা আর্ঘ্যবিধির অনুসরণে দারপরিগ্রহ
 করিয়া থাকেন ; কেহ বা কন্যার পিতামাতাকে
 বিশুল অর্থ প্রদান করিয়া বিবাহ করেন। ধর্ম্ম-
 শাস্ত্রবিৎ পণ্ডিতেরা এই অষ্টবিধ বিবাহবিধি নির্দেশ
 করিয়াছেন। অষ্টবিধ-সমাজে স্বরংঘরও উত্তম

বিবাহমধ্যে পরিগণিত। রাজারা স্বয়ংবরবিধিরই অধিক প্রশংসা করিয়া থাকেন। পরাক্রম-প্রদর্শন-পূর্বক, অপহৃত কন্যার পাণিগ্রহীতাকে ধর্ম্ববাদীরা ভূয়সী প্রশংসা করেন। অতএব আমি বলপূর্বক ইহাদিগকে হরণ করিতেছি, আপনারা যুদ্ধে কিংবা অন্য যে কোন উপায়ে ইহাদিগের উদ্ধারসাধনে চেষ্টা করুন, আমি যুদ্ধার্থে প্রস্তুত আছি।” মহাবল্লভী এই কথা বলিয়া, সেই কন্যাদিগকে গ্রহণ-পূর্বক স্বকীয় রথে আরোহণ করিয়া প্রস্থান করিলেন।

এই অভাবনীয় ব্যাপার দর্শনে সভামধ্যে এক তুমুল কোলাহল উপস্থিত হইল। ভূপালগণ কোপে কম্পাশ্রিত-কলেবর হইয়া, দশন-নিপীড়নপূর্বক দম্ভপ্রকাশ করিতে লাগিলেন। সকলে ব্যস্ত হইয়া, সত্তর নিজ নিজ অলঙ্কার উন্মোচন ও কবচধারণ করাত্তে স্বয়ংবরসভা ঘোরতর সমাকুল হইয়া উঠিল। বর্ষ ও আভরণ সকল ইতস্ততঃ বিক্ৰিণ্ড হওয়াতে, বোধ হইতে লাগিল, যেন অন্তরীক্ষ হইতে তারকা সকল ভূতলে পতিত হইতেছে। প্রবলপরাক্রান্ত

বীরপুরুষেরা নানাপ্রকার অস্ত্রশস্ত্রে সুসজ্জীভূত
 হইয়া, রোধকষায়িত ও ভ্রুকুটীকুটিলনয়নে কিপ্রজ্বল-
 ঘোটকসংযুক্ত, সুত-সুরক্ষিত রথে আরোহণপূর্বক
 আয়ুধ সকল উত্তোলন করিয়া, শাস্ত্রনবের
 পশ্চাৎ পশ্চাৎ ধাবমান হইলেন। কিন্তু তাঁহারা
 সকলেই একে একে পরাজিত হইলেন; কেহই
 অমিততেজা ভীষ্মের পরাক্রম সহ্য করিতে পারি-
 লেন না। সেই সমরসাগরের ভীষণতা দর্শনে গাত্র
 রোমাঞ্চিত হইতে লাগিল। বিপক্ষেরা যুগপৎ
 সহস্র সহস্র বাণ তাঁহার প্রতি নিক্ষেপ করিতে
 লাগিল; কিন্তু ভীষ্ম প্রচণ্ডশরবর্ষণ দ্বারা অবলীলা-
 ক্রমে সেই সমস্ত শরজাল মধ্যস্থলেই নিবারিত
 করিলেন। যেমন বর্ষাকালে জলদমালা পর্বতোপরি
 মুষলধারে বারিবর্ষণ করে, তদ্রূপ বিপক্ষেরা
 চতুর্দিক্ বেষ্টিত করিয়া, ভীষ্মের উপর অনবরত
 বাণবর্ষণ করিতে লাগিল। তিনি নিজ শরজাল
 দ্বারা শত্রুবর্গের বাণসমূহ অপসারিত করিয়া,
 পরিশেষে নিজ বাণ দ্বারা সকলকে বিদ্ধ করিতে
 লাগিলেন।

অস্ত্রবিজ্ঞাবিশারদ মহাবল ভীম ক্রমে ক্রমে
 সমস্ত রাজগণকে পরাজিত করিয়া, কন্যাদিগকে
 লইয়া হস্তিনাভিমুখে প্রস্থান করিবার উত্তোগ
 করিলেন। রাজগণ পরাজিত হইয়া, কুরুহৃদয়ে
 স্ব স্ব রাজ্যে প্রতিগমন করিলেন। পশ্চিমদে
 মহারথ রাজা শাল্য বিজিগীষু হইয়া, ভীমের সন্মুখীন
 হইলেন। যেমন কোন যুধাধিপ মাতঙ্গবর ক্রোধে
 পরবশ হইয়া, অস্ত্র মাতঙ্গের দ্বারা ধাবমান হয়
 তদ্রূপ মহাবলপরাক্রান্ত, মহীপতি শাল্য ঈর্ষা ও
 ক্রোধপরবশ হইয়া ভীমকে, “তিষ্ঠ-তিষ্ঠ” বলিয়া
 যুদ্ধে আহ্বান করিলেন। অস্বাতিকুল-নিহন্তা পুরুষ
 ব্যাঘ্র ভীম তাঁহার গর্বিত বাক্য শ্রবণমাত্র ক্রোধাক্ত
 হইয়া বিধুম অগ্নির স্থায় প্রজ্বলিত হইয়া উঠিলেন।
 তিনি অশঙ্কিত ও অসঙ্কুচিতচিত্তে ক্রতধর্ম্য অবলম্বন
 পূর্বক ধনুর্বানধারণ করিয়া তৎক্ষণাৎ সারথিকে
 রথবেগ সংবরণ করিতে আজ্ঞা দিলেন। তদনুসারে
 অক্লান্ত রাজগণ সমুৎসুক হইয়া, ভীম ও শাল্যের
 অদ্ভুত সমর নিরীক্ষণ করিতে লাগিলেন। শাল্যরাজের
 অজস্র বাণবর্ষণে শাস্ত্রনব প্রথমতঃ সাতিশর সীড়িত

হইলেন। তদনুসারে তত্রত্য ভূপতিগণ বিস্ময়াবিষ্ট হইয়া, শাখরাজের ভূয়সী প্রশংসা ও বারংবার সাধুবাদ করিতে লাগিলেন।

শাখরাজের প্রশংসাবাদ শ্রবণ করিয়া ভীষ্ম জেগে প্রস্থিত হইয়া, সারথিকে তৎসমীপে রথচালনা করিতে আদেশ করিলেন। রথ-শাখরাজের সম্মুখীন হইলে, বীরশ্রেষ্ঠ ভীষ্ম সুতীক্ষ্ণ শরজাল-বর্ষণে তাঁহাকে পুরাজিত করিয়া জীবিতাবস্থায়ই পরিত্যাগ করিলেন। শাখরাজ প্রাণ লইয়া স্বীয় রাজধানীর অভিমুখে পলায়ন করিলেন। ইহা দেখিয়া অবশিষ্ট রাজগণ নিরাশ হইয়া, স্ব স্ব স্থানে প্রস্থান করিলেন।

অনন্তর মহাবীর ভীষ্ম জয়োল্লাসিত-হৃদয়ে হস্তিনাভিমুখে প্রস্থান করিলেন। তিনি অরাতিকুলে ক্রিয়ালিপ্ত করিয়া, অচিরে নদ, নদী, বন, উপবন, ভূধর প্রভৃতি নানা স্থান অতিক্রম করিয়া, আত্মার শিথিল কন্ঠাদিগকে লইয়া রাজধানীতে উপনীত হইলেন। তিনি সেই কামিনীদিগকে সুবার স্বায়, কামরায় স্বায় এবং দুহিতার স্বায় পুরস্বত্ত্ব কোরক,

রাজধানীতে আনয়নপূর্বক বিক্রমাজ্ঞা সর্বগুণযুক্ত
সেই কন্যাদিগকে কমিষ্ঠ ভ্রাতা বিচিত্রবীৰ্য্যের হস্তে
সাদরে সমর্পণ করিবার মানস করিলেন ।

এই সমস্ত চক্রহ কার্য্য সমাপন করিয়
সত্যপ্রতিজ্ঞা ভীষ্ম সত্যবতীর সহিত পরামর্শ
করিতেছেন, এমন সময়ে কাশীপতির জ্যেষ্ঠা কন্যা
অম্বা লজ্জাবনতমুখে যুত্বরে কহিলেন,—“আমি
ইতিপূর্বে মনে মনে শাল্যরাজকে পতিত্বে বরণ
করিয়াছি, এবং তিনিও আমাকে প্রার্থনা করিয়াছেন,
আমি এ বিষয়টি আমার পিতারও সম্পূর্ণ অভিমত ;
ইহা বিবেচনা করিয়া ধর্ম্মতঃ আপনার যেরূপ
অভিরূচি হয়, তাহা সম্পাদন করুন ।” ভীষ্ম অম্বার
এইরূপ কথা শ্রবণ করিয়া সাতিশয় চিন্তাকুল
হইলেন এবং বেদবিৎ ব্রাহ্মণগণের সহিত পরামর্শ
করিয়া, তাঁহাকে স্বেচ্ছানুরূপ কার্য্য করিবার অনুমতি
প্রদান করিয়া কহিলেন,—“তোমার অনিচ্ছাসত্ত্বে
তোমাকে বলপূর্বক এখানে রাখিবার আমার ইচ্ছা
নাই ; শাল্যরাজ আমার সঙ্গে যুদ্ধ করিয়া পরাজিত
হইয়াছেন ; তথাপি তুমি তাঁহাকে পতিত্বে বরণ

করিতে ইচ্ছুক, আমি তোমার ইচ্ছার বাধা প্রদান
করিতে প্রস্তুত নহি। তুমি তাঁহারই সহধর্মিণী
হইয়া সুখে কালযাপন কর।”

অনন্তর মহারীর সংবতেন্দ্রিয় ভীষ্ম কাশীরাজের
অপর দুই কন্যা অম্বিকা ও অম্বালিকার সহিত কনিষ্ঠ
ভ্রাতা বিচিত্রবীর্যের বিবাহ দিলেন। কিছুকাল
পরে বিচিত্রবীর্য নিরতিশয় ব্যসনাসক্ত হওয়াতে,
দুরারোগ্য যক্ষ্মারোগে আক্রান্ত হইলেন। ভীষ্ম
যথোচিত ধীরতাসহকারে সুবিচক্ষণ চিকিৎসক দ্বারা
ভদ্রীয় পীড়াশাস্তির জন্ম নানাপ্রকার প্রতীকারের
চেষ্টা করিলেন ; কিন্তু তাঁহার সকল চেষ্টাই বিফল
হইল। দিন দিন রোগ বৃদ্ধি পাইতে লাগিল এবং
অচিরকালমধ্যেই সেই তরুণবয়স্ক রাজা পরিজন-
বর্গকে শোকসাগরে নিমগ্ন করিয়া, শমনসদনে গমন
করিলেন।

সত্যবতী পুত্রশোকে কাতর হইয়া, বিলাপ ও
পরিতাপ করিতে লাগিলেন। অম্বিকা ও অম্বালিকা
অকালে ভ্রতৃবিয়োগে ব্যাকুল ও ভূপতিত হইয়া
শিরে করাঘাত করিয়া, রোদন করিতে লাগিলেন।

ভীষ্ম ভ্রাতৃশোকে নিতান্ত কাঁড়র ও বিষম হইয়া পড়িলেন। সমস্ত রাজ্য শোকার্দ্দকাবে পরিব্যাপ্ত হইল। সত্যবতী দুঃসহ শোকাবেগ কিঞ্চিৎ পরিমাণে সংবরণ করিয়া, পুত্রবধু ও ভীষ্মকে নানাপ্রকার সান্ত্বনাবাক্যে প্রবোধ দিতে লাগিলেন।

অনন্তর একদা সত্যবতী ভীষ্মকে কহিলেন,—
 “বৎস! মহারাজ শাস্ত্রমুকে জলপিণ্ড প্রদান করে, তোমা ব্যতীত এমন লোক আর কুরুকুলে নাই। তুমি সর্ববশাস্ত্রবিৎ এবং বেদবেদাঙ্গপারদর্শী। তোমার ধর্মনিষ্ঠা ও কুলাচারে বিশেষ অভিজ্ঞতা আছে। হে সত্যব্রত, আমি ফলসিদ্ধির নিমিত্ত তোমাকে কোন কার্যে নিয়োগ করিতে ইচ্ছা করি। তোমার প্রিয়তম ভ্রাতা পুত্রবিহীন হইয়া অকালে পরলোকযাত্রা করিয়াছেন; অতএব বংশরক্ষার নিমিত্ত আমি তোমাকে অনুরোধ করিতেছি, তুমি এক্ষণে রাজ্যে অভিষিক্ত হইয়া প্রজাপালনে তৎপর হও এবং দারপরিগ্রহ করিয়া বংশরক্ষা কর।”

সত্যব্রত মহাত্মা ভীষ্ম সত্যবতীর এইরূপ অনুরোধ

বাক্য শ্রবণে বিনীতভাবে উত্তর করিলেন,—
 “মাতঃ ! আপনি আমাকে যে রূপ উপদেশ প্রদান
 করিতেছেন, তাহা সত্য ; কিন্তু আমি রাজ্য ও
 ক্রীত্রহণ সম্বন্ধে যে প্রতিজ্ঞা করিয়াছি, আপনি
 তাহা সবিশেষ অবগত আছেন। আমি সর্বাস্তঃ-
 করণে যে সেই প্রতিজ্ঞাপালন করিয়া আসিতেছি,
 আপনি পূর্বাপর তাহাও দেখিয়া আসিতেছেন।
 তথাপি আবার এক্ষণে দৃঢ়তর প্রতিজ্ঞা করিতেছি,
 শ্রবণ করুন—আমি ত্রৈলোক্য পরিত্যাগ করিতে
 পারি, ইন্দ্র পরিত্যাগ করিতে পারি, এবং ইহা
 অপেক্ষা যদি কিছু অধিকতর স্পৃহণীয় বস্তু থাকে,
 তাহাও পরিত্যাগ করিতে সম্মত আছি, কিন্তু কদাচ
 সত্য পরিত্যাগ করিতে পারির না।”

সত্যবতী, মহাতেজা ভীষ্মের এইরূপ কঠোর
 প্রতিজ্ঞা শ্রবণ করিয়া কহিলেন,—“বৎস। তোমাব
 কথা শুনিলে শরীর শীতল হয় ; হৃদয় ধর্ম্যভাবে
 পূর্ণ হয় ; শ্রোত্রযুগল অনাস্বাদিত সুখরসে সিক্ত
 হয় ; স্মৃতি-করণ বিষয়বাসনা ও স্বার্থপরতা ত্যাগ
 করিয়া, পরোপকারত্রে তৎপর হয়। সত্যের

প্রতি তোমার যে অবিস্মৃতি ভক্তি ও যথার্থ প্রীতি আছে, তাহা আমার অবিস্মৃতি নহে; তুমি ইচ্ছা করিলে, স্বীয় তেজঃপ্রভাবে যে নূতন ত্রিলোকের সৃষ্টি করিতে পার, তাহাও আমার বিলক্ষণ পরিস্ফুট আছে; আর তুমি আমার নিমিত্ত পূর্বে যে সত্য করিয়াছ, তাহাও বিস্মৃত হই নাই; কিন্তু বংশ, তোমাকেই ধর্ম্মশিসুসারে পৈতৃক ভার বহন করিতে হইবে। যাহাতে তোমার বংশ রক্ষা হয়, ধর্ম্মের উচ্ছেদ সাধন না হয়, এবং বন্ধুবান্ধবগণের সম্ভোগ জন্মে, তাহার অনুষ্ঠান কর।”

সত্যবতী পুত্রশোকে কাতর হইয়া এইরূপে বিলাপ ও পুরিতাপ করিতেছেন, এবং পুত্রলাভ-কাঙ্ক্ষায় সাধুবিগর্হিত অধর্ম্ম কার্যের অনুষ্ঠানে তাঁহাকে পুনঃ পুনঃ প্রবর্তিত করিতেছেন দেখিয়া, ধর্ম্মপরায়ণ জীশ্ব কহিলেন,—“মাতঃ! ধর্ম্মের প্রতি দৃষ্টিপাত করুন, সত্যভঙ্গ ক্রিয়ের পক্ষে অতীব নিন্দনীয়। যাহাতে রাজা শান্তনুর বংশ-পরম্পরা ধরামণ্ডলে অক্ষয়ভাবে দেদীপ্যমান থাকিবে, তাহার উপায়স্বরূপ সনাতন কত্রিয়ধর্ম্ম

কীৰ্ত্তন কৰিতেছি, উহা ভাষণ কৰিয়া ধৰ্ম্মকুশল আৰু
পুৰোহিত ও মন্ত্ৰীগণেৰ সহিত প্ৰৱৰ্ত্তন কৰিয়া
উক্ত ধৰ্ম্মানুসাৰে কাৰ্য্য আৰম্ভ কৰুন। তাহা হইলেই
সকল দিচ্-সুক্ল হইবে।”



তৃতীয় পরিচ্ছেদ ।

কিছুকাল পরে, বিচিত্রবীর্যের পত্নীদ্বয়ের এক একটি পুত্র জন্মিল। ভীষ্ম শাস্ত্রোক্ত বিধিতে তাঁহাদের জাতকর্ষ সম্পন্ন করিয়া, অম্বিকার পুত্রের নাম ধৃতরাষ্ট্র ও অম্বালিকার পুত্রের নাম পাণ্ডু রাখিলেন। দৈববশতঃ ধৃতরাষ্ট্র জন্মান্ন হইলেন। মহামতি ভীষ্ম ধৃতরাষ্ট্র ও পাণ্ডুকে পুত্রনির্বিশেষে পালন করিতে লাগিলেন এবং জাতক্রিয়া প্রভৃতি সমস্ত সংস্কার সম্পাদন করিয়া, শিক্ষার নিমিত্ত উপযুক্ত শিক্ষকের হস্তে তাঁহাদিগকে সমর্পণ করিলেন। অল্পকালমধ্যেই তাঁহারা নানা শাস্ত্রে ও ধর্মুবিজ্ঞান পারদর্শী হইয়া উঠিলেন।

জন্মান্নতাগ্রযুক্ত ধৃতরাষ্ট্র রাজ্যলাভে বঞ্চিত হইলেন। ভীষ্ম সর্বশাস্ত্রবিশারদ, নীতিকুশল;

ধনুর্ধরাগ্রগণ্য পাণ্ডুকে সিংহাসনে অধিরোহণ
 করাইলেন এবং নিজেও অবহিতচিত্তে রাজকাৰ্য্যের
 তত্ত্বাবধানে নিযুক্ত রহিলেন। পাণ্ডুর সুল্লাসনে
 প্রজাবর্গ নির্ভয়ে ও পরমসুখে কালষাপন করিতে
 লাগিলেন। রাজ্যমধ্যে সর্বত্র আনন্দস্রোত প্রবাহিত
 হইল। অতি অল্পদিনের মধ্যেই পৃথিবী সুজলা ও
 সুফলা হইয়া উঠিল। দুর্ভিক্ষ ও অকালমৃত্যু রাজ্য
 হইতে দূরীভূত হইল। সর্বত্র অভিনব উৎসাহ ও
 শক্তি দৃষ্টিগোচর হইতে লাগিল।

একদা মহামতি, সত্যব্রত ভীষ্ম নূতন রাজা
 পাণ্ডুকে বিপুল রাজ্যের অধিকারী বিবেচনা করিয়া,
 তাঁহাকে কিছু সত্বপদেশ প্রদান করা জেগঃ মনে
 করিলেন, এবং তাঁহাকে নির্জ্ঞান কল্পে লইয়া গিয়া
 সম্বোধন করিয়া কহিলেন,—“বৎস! তোমার জ্যেষ্ঠ
 জন্মান্ত হওয়াতে, রাজ্যের নিয়মানুসারে ও শাস্ত্রের
 অনুশাসনে তুমিই এই বিপুলধনধাত্তপূর্ণ, সমৃদ্ধ রূ-রূ
 রাজ্যের অধিপতি হইয়াছ। . তোমার প্রধান কর্তব্য
 এই যে, তুমি সর্বদা স্বীয় জ্ঞায়পরতা ও বিবেক
 শক্তি দ্বারা প্রজাবর্গের সুখসমৃদ্ধিবন্ধনে বদ্ধবান্

হইবে। প্রকৃতিরঞ্জনহেতুই নরপতি রাজা নামে অভিহিত হন। তুমি যথাসক্তি সাধু ব্যক্তিদিগকে আদর করিবে। প্রিয় ও আত্মীয় হইলেও, উন্নতকৃত অঙ্গুলির স্থায় দুষ্ক লোককে শাস্তি প্রদান করিবে। নাতিভীত ও নাতিমুদু হইয়া সর্বদা রাজকার্য্য সম্পাদনে তৎপর হইবে। কারণ, রাজা অতি ভীত হইলে, প্রজাবর্গ বিরক্ত হইয়া উঠে; এবং অতি মুদু হইলে, তাঁহাকে অবহেলা করে। ষড়্রিপুর দমন এবং আত্মস্বথের প্রতি দৃষ্টি না রাখিয়া, প্রজাবর্গের সুখসাধনে ষড়্রবান্ হইবে। স্ত্রী, বালক, বৃদ্ধ ও শরণাগতের প্রতি কখনও বল-প্রকাশ করিবে না; আপনাকে বীরাগ্রগণ্য ও প্রধান রাজা মনে করিয়া, কদাপি আত্মশ্লাঘা করিবে না। গুরুজন ও ঈশ্বরে অচলা ভক্তি প্রদর্শন করিবে এবং সর্বদা অতন্দ্রিতভাবে স্বীয় কর্তব্যসাধনে তৎপর থাকিবে।”

কুরুকূলে রাজাদের প্রতিপালিত বিদুরনামে এক মহামতি ব্যক্তি ছিলেন। তিনি যেমন ধর্ম্মপরায়ণ, তেমনই রাজকার্য্যকোবিদ। ভীষ্ম বিদুরের সহিত

পরামর্শ না করিয়া কোন দুরূহ কার্যে হস্তক্ষেপ করিতেন না। কুরুকুলের মঙ্গলচিন্তা ও ধর্মকর্মামুষ্ঠান বিদুরের জীবনের প্রধান কার্য ছিল। কালক্রমে ভীষ্ম একদিন বিদুরকে জিজ্ঞাসা করিলেন,—“বৎস! বাহাতে আমাদের বংশের ক্রমশঃ উন্নতি হয়, তাহার উপায় বিধান করা আমাদের সর্বতোভাবে কর্তব্য, সন্দেহ নাই। পাণ্ডু সিংহাসনে অধিরোধ করিয়া, যথানিয়মে প্রজাপালন ও রাজ্যশাসন করিয়া সর্বত্র প্রভূত যশঃ প্রাপ্ত হইতেছে। অতএব এক্ষণে তাহাকে অনুরূপ রাজকন্ডার সহিত পরিণয়-সূত্রে বন্ধ করিবার উপযুক্ত সময় বলিয়া, আমার বোধ হইতেছে। আমাদের কুল অন্যান্য যাবতীয় রাজকুল অপেক্ষা ধনে, মানে ও প্রতিপত্তিতে বিশেষ মর্যাদাশালী; বাহাতে আমাদের বংশমর্যাদার কোনরূপ হানি না হয়, অনুরূপ রাজকন্ডাদিগের সহিত ধৃতরাষ্ট্র ও পাণ্ডুর বিবাহ হয়, তাহার উপায়-বিধান করা আমাদের সর্বতোভাবে কর্তব্য। শুনিয়াছি, গান্ধাররাজ স্তবলের একটি স্তম্ভরী কন্যা এবং মদ্রেখরের একটি রূপবতী ভগিনী আছে।

বংশমর্যাদায় এই দুই কুল আমাদের অযোগ্য নহে ।
আমি সেই কুমারীদ্বয়ের সহিত ধৃতরাষ্ট্র ও পাণ্ডুর
বিবাহ দিতে সক্ষম করিয়াছি ।”

ভীষ্মের এইরূপ প্রস্তাব শুনিয়া, বিহুর বিনীত-
ভাবে প্রত্যুত্তর করিলেন,—“মহাশয় ! আপনার
আদেশ আমাদের সকলের শিরোধার্য্য ; আপনি
কুরুকুলের ভিত্তিস্বরূপ ; আপনার জন্মই এই বংশের
প্রতিপত্তি অক্ষুণ্ণ রহিয়াছে । আপনিই আমাদিগকে
সংশিক্ষা প্রদান করিয়া সৎপথ প্রদর্শন করিয়াছেন ।
আপনি আমাদের সকলেরই পূজ্য ও মাননীয় ।
আপনার বিবেচনায় যাহা ভাল বলিয়া বোধ হয়,
তাহারই অনুষ্ঠান করুন ।

ভীষ্ম সত্যবতীর অনুমতি লইয়া, গান্ধাররাজের
নিকট দূত প্রেরণ করিলেন । ধৃতরাষ্ট্র জন্মান্ধ
রহিয়া, গান্ধাররাজ সুবল প্রথমতঃ কন্যাদানবিষয়ে
কর্তব্যাকর্তব্য নিরূপণে দোলায়মানচিত্ত হইলেন ।
অবশেষে কুরুকুলের ঐশ্বর্য্য ও খ্যাতি পর্যালোচনা
ও আত্মীয়স্বজনের সহিত পরামর্শ করিয়া,
ধৃতরাষ্ট্রকে কন্যাদানে সম্মত হইলেন, এবং দূতকে

যথোচিত সম্মানপ্রদর্শনপূর্বক বিদায় দিয়া, বিবাহের উদ্যোগ করিতে লাগিলেন। অবিলম্বে গন্ধার-রাজতনয় শকুনি স্বীয় ভগিনীকে লইয়া কুক্কুলের রাজধানী হস্তিনাপুরে উপনীত হইলেন এবং যথা-বিধানে স্বীয় ভগিনীকে ধৃতরাষ্ট্রের হস্তে সমর্পণ করিয়া, ও ভীষ্ম কর্তৃক সংকৃত হইয়া, স্বীয় রাজ-ধানীতে প্রত্যাবৃত্ত হইলেন। স্বামী জন্মান্বিত হইলেও, পতিপরায়ণা গান্ধারী কদাপি তাঁহাকে অবহেলা করেন নাই। স্বামীকে পরমদেবতাজ্ঞানে প্রগাঢ়ভক্তিসহকারে সেবাশুশ্রূষা করিতেন। গুরু-জনের প্রতি ভক্তি ও দাসদাসীদিগের প্রতি সদয় ব্যবহারে অতি অল্পকালমধ্যেই তিনি সকলের প্রিয়পাত্রী হইয়া উঠিলেন। ধৃতরাষ্ট্র পতিব্রতা পত্নী লাভ করিয়া, মনে মনে পরমপ্রীতি লাভ করিলেন।

ভীষ্ম ধৃতরাষ্ট্রের বিবাহে পূর্ণমনোরথ হইয়া, পাণ্ডুর পরিণয়প্রদানে যত্ববান হইলেন। বহুবংশে বহুদেবের অনয়িতা শূর নামে এক ধর্ম্মপরায়ণ নরপতি ছিলেন। প্রথমে তাঁহার পৃথা নামে এক তনয়া জন্মে। তিনি অনপত্য, পিতৃহৃৎপুত্র, পরম

মিত্র কুস্তিভোজকে পূর্বকৃত প্রতিশ্রুতি অনুসারে
নিৰ্ম্মম হইয়া ঐ কস্তারত্ন প্রদান করেন। কুস্তি-
ভোজ ঐ কস্তাকে নিজ ঔরসজাত সন্তানের স্থায়
পরমমত্রে লালনপালন করিতে লাগিলেন। পৃথা
শশিকলার স্থায় দিন দিন বৃদ্ধিপ্রাপ্ত হইতে লাগি-
লেন। কুস্তিভোজের পালিতা বলিয়া, সকলে তাঁহাকে
কুস্তী নামে আহ্বান করিত। বয়োবৃদ্ধির সহিত
মৌরবনলীমায় পদার্পণ করিলে, কুস্তীর রূপলাবণ্য
ক্রমে ক্রমে বৃদ্ধি পাইতে লাগিল।

কিছু দিন পরে, কুস্তিভোজ কন্যাকে স্বীয়
অভিলষিত যোগ্য বরে অর্পণ করিতে অভিলাষী
হইয়া, স্বয়ংবরের আয়োজন করিলেন। নানা দিগেশ
হইতে প্রসিদ্ধ নরপতিগণ নিমন্ত্রণপত্র প্রাপ্ত হইয়া,
কুস্তিভোজের রাজধানীতে উপনীত হইলেন। তীক্ষ্ণ
কুস্তীর নামাশ্রয়কার গুণ ও রূপলাবণ্যের কথা
শুনিয়া, উহাকে পাণ্ডুর উপযুক্ত পত্নী মনে করিয়া,
পাণ্ডুকে অনুচরবর্গের সহিত ঐ স্বয়ংবরস্থলে
পাঠাইয়া দিলেন। যথাসময়ে নিমন্ত্রিত নরপতিগণ
স্বয়ংবরোচিত বেশভূষায় সজ্জিত হইয়া, সভাসমুপে

উপবেশন করিলেন। পাণ্ডুও সময়োচিত বେশ-
 ভূষায় সুসজ্জিত হইয়া, নৃপতিগণের মধ্যে আসন
 পরিগ্রহ করিলেন। সম্ভাষিত নরপতিগণ তাঁহার
 রমণীয় বোবনস্ত্রী দেখিয়া, চিত্তার্শিতের দ্বারা
 তৎপ্রতি দৃষ্টিযোজনা করিয়া রহিলেন এবং মনে
 মনে কণ্ঠারত্নলাভের আশা পরিত্যাগ করিলেন।

রাজগণ নিজ নিজ নির্দিষ্ট আসনে উপবিষ্ট
 হইলে, কুন্তী বিবাহোচিত বেষভূষায় সুসজ্জিতা
 হইয়া, হস্তে বরমালা লইয়া, স্বয়ংবরসভায় প্রবেশ
 করিলেন। উভয়পার্শ্বে সুসজ্জিতা সমবয়স্কা সখীগণ
 চামর ব্যঞ্জন করিতে করিতে তাঁহার অনুগামীনী
 হইল। কণ্ঠার রূপরাশি দেখিয়া, রাজগণ বিস্মিত-
 লোচনে তাঁহার দিকে চাহিয়া রহিলেন। বন্দিগণ
 একে একে উপস্থিত নৃপতিবর্গের গুণ ও বংশ-
 কীর্তন করিলে, কুন্তী প্রত্যেক নরপতির প্রতি
 এক একবার দৃষ্টিপাত করিয়া, ক্রমে ক্রমে পাণ্ডুর
 নিকটবর্তিনী হইলেন। তাঁহার বোবনমূলত অনুগম
 রূপমাধুরী দর্শনে কুন্তীর হৃদয় আহলাদমাগরে
 মগ্ন হইল; তিনি অন্য কোন নৃপতির প্রতি দৃষ্টিপাত

না করিয়া, কুফরাজ পাণ্ডুর সদাশয়তিনী হইয়া
 রাজ্যাবনতমুখে তদীয় গলে বরমাণ্য সম্পদ করিলেন;
 সভামণ্ডপ বাস্তবধনিতে মুখরিত হইয়া উঠিল।
 পাণ্ডুর সহচর ও বন্ধুবান্ধবগণ আত্মলাদ প্রকাশ
 করিতে লাগিলেন। রাজা কুস্তিভোজ ও উপযুক্ত
 জামাতা প্রাপ্ত হইয়া সন্তুষ্ট হইলেন। অপর
 অপর রাজগণ কন্যারত্নলাভে বিকলমনোরথ হইয়া,
 নিজ নিজ রূপরাশিকে ধিকার করিতে করিতে
 স্ব স্ব রাজধানীতে প্রতিগমন করিলেন। অতঃপর
 বধাশাস্ত্র উদ্বাহকার্য সম্পন্ন হইলে, কুস্তিভোজ-
 প্রদত্ত বহুমূল্য বৌতুকাদি গ্রহণ করিয়া, পাণ্ডু
 হস্তিনাপুরে প্রত্যাবৃত্ত হইলেন। ভীষ্ম নবদম্পতীকে
 সাদরে গ্রহণ করিলেন। ধৃতরাষ্ট্র ও পাণ্ডু উভয়ে
 মনোমত পত্নীলাভ করিয়াছেন দেখিয়া, সত্যবতী
 আত্মলাদ প্রকাশ করিতে লাগিলেন। রাজভবন
 উৎসববেশ ধারণ করিল; পৌর ও জনপদবর্গ
 নানাবিধ মঙ্গলিক উৎসবানুষ্ঠানে রত হইল এবং
 সকলেই সমভাবে পরিতোষ লাভ করিল।

কিছুকাল অতীত হইলে মহামতি ভীষ্ম পাণ্ডু

আমি একটি বিবাহ দিবার ইচ্ছা প্রকাশ করিলেন।
তিনি শুনিয়াছিলেন যে, মজরাঙ্গি শস্যের মন্ত্রী
সঙ্গে একটি সুন্দরী ভগিনী আছে; তাঁহার সহিত
শাওর বিবাহ দিলে, নিজের বংশবিস্তার কোনরূপ
হানি হইবে ন বুঝিয়া, তিনি কয়েকজন অমাত্য ও
ব্রাহ্মণ সমভিব্যাহারে স্বয়ং তদীয় রাজধানী
যাত্রা করিলেন।

ভীষ্মের আগমন-সংবাদ-প্রাপ্তিমাত্র মজরাঙ্গ-
সহর তদীয় সমীপে উপস্থিত হইয়া, "তাঁহাকে
পাদার্থ্য প্রদানপূর্বক সাদরে আসন প্রদান
করিয়া, বিনীতবচনে তদীয় আগমনকারণ জিজ্ঞাসা
করিলেন। ভীষ্ম কহিলেন,—“রাজন্। আমি
শুনিয়াছি যে, আপনার বিবাহযোগ্য একটি অনুঢ়া
ভগিনী আছে, আমার জাতুপুত্র শাওর সহিত
সেই কুমারীর পরিণয়ার্থী হইয়া, আমি আপনার
নিকট উপস্থিত হইয়াছি। আপনার ও আমাদের
বংশ পরস্পর সম্বন্ধস্থাপনে যোগ্য; অতএব আপনি
শাওরকে ভগিনী দান করিয়া আমাদের সহিত
সম্বন্ধস্থাপন করিলে, সান্ত্বিত হইব।”

মহারাজ সন্তোষসহকারে ভীষ্মের এই প্রস্তাবে
সম্মত হইয়া, পাণ্ডুর উদ্দেশে তাঁহার হস্তে ভগিনীকে
সমর্পণ করিলেন ।

ভীষ্ম কন্যাকে লইয়া হস্তিনাপুরে প্রত্যাবৃত্ত হইয়া
ব্রাহ্মণ, আত্মীয়বর্গ ও সত্যবতীর অনুমতি গ্রহণ-
পূর্বক শুভদিনে শুভলগ্নে মাদ্রীর সহিত পাণ্ডুর
পরিণয়কাৰ্য্য সম্পাদন করিলেন । পাণ্ডু রূপবতী
নুতন ভাৰ্য্যালাভে অত্যন্ত আহলাদিত হইলেন ।
কুন্তী ও মাদ্রী পরস্পর সপত্নী হইলেও, উভয়ের
মধ্যে অকৃত্রিম সৌহৃদ্য জন্মিল । 'উভয়েই যথা-
সাধ্য স্বামিসেবায় নিরত থাকিতেন । মহারাজ
পাণ্ডু ও পত্নীমণ্ডলের প্রণয় ও শুশ্রূষায় প্রীত হইয়া,
পরমস্বখে কালযাপন করিতে লাগিলেন এবং
ভীষ্মবুদ্ধি পরমধাৰ্ম্মিক মহামনা বিদূর ও ভীষ্মের
সংপরামর্শে অতি সূচাৰুৰূপে রাজকাৰ্য্য নির্বাহ
করিতে লাগিলেন ।





চতুর্থ পরিচ্ছেদ ।

পৰ্ব্যায়ক্রমে শরদঋতুর আবিভাব হইল।
জলদাপগমে আকাশ মেঘশূন্য হইলে, সূর্য্যের কিরণ
অতি প্রখর বোধ হইতে লাগিল। কিন্তু রাত্রি-
কালের চন্দ্ররশ্মি অত্যন্ত প্রীতিপ্রদ হইয়া উঠিল।
কাশকুসুম বিকসিত হইয়া চতুর্দিক্ অশোভিত
করিয়া তুলিল। শস্তক্ষেত্র সকল শস্তপূর্ণ হইয়া,
কুষকদিগের উৎসাহ বর্দ্ধন করিতে লাগিল।
বর্ষাপগমে পথের কর্দমাদি শুষ্ক হইলে, একদা
পাণ্ডু যুগয়ায় বহির্গত হইয়া, নিরপরাধে যুগুরুপ-
ধারী এক মুনিকে বাণবিক্ষ করেন। মৃত্যুকালে
সেই মুনি তাঁহাকে এই অভিশাপ প্রদান করিলেন,—
“নিরপরাধে আমাকে যেক্রমে বধ করিলে, তুমিও
সময়ে ইহার যথোচিত ফল প্রাপ্ত হইবে।”

কিছুকাল পূর্বে কুন্তীদেবী দুর্ভয়সূর নিকট
 হইতে বর প্রাপ্ত হইয়াছিলেন ; তৎপ্রত্যয়ে তিনি
 ক্রমান্বয়ে কুন্তী, ভীম ও শর্জন নামে তিন পুত্র
 এবং মাদ্রী নকুল ও সহদেব নামে দুই যমজ
 পুত্র লাভ করিলেন । এদিকে ধৃতরাষ্ট্রপত্নী গান্ধারী
 দুর্হোধন দুঃশাসন প্রভৃতি শতপুত্র লাভ করিলেন ।
 ধৃতরাষ্ট্র ও পাণ্ডু উভয়ে পুত্রলাভ করিয়া অতিশয়
 হইলেন । ধৃতরাষ্ট্রের পুত্রগণ কৌরব এবং
 পাণ্ডুপুত্রগণ পাণ্ডব নামে প্রসিদ্ধি লাভ করিলেন ।

একদা মহারাজ পাণ্ডু মল্লিহন্তে রাজ্যভার
 সমর্পণ করিয়া, কিছুকাল নির্জনস্থানে বাস করিবার
 নিমিত্ত হিমালয়ের নিম্নপ্রদেশে এক রমণীয়
 গিরিবনে গমন করিলেন । কুন্তী ও মাদ্রী পুত্রগণ
 সমভিব্যাহারে রাজার অনুগমন করিলেন । এইরূপে
 কিছুদিন অতিবাহিত হইলে, একদা বসন্ত-সময়ে
 বনভূমি পরম রমণীয় ভার ধারণ করিল ; চতুর্দিক
 কোকিলকুজনে ও ভ্রমরগুঞ্জে মুখরিত হইল ; রাজা
 পাণ্ডু মাদ্রীর সহিত সেই রমণীয় স্থানে ভ্রমণ
 করিতে করিতে, সহসা রাগান্বিত হইয়া, যুগলপী

স্বামীর শাপ বিমুক্ত হওয়াতে, তৎক্ষণাৎ তাঁহার মৃত্যু
 হয়। মাতা কুন্তীদেবীর উপর সন্তানগণের রক্ষণ-
 তার অর্পণ করিয়া, স্বয়ং স্বামীর সহিত চিত্তারোহণ
 পূর্বক সহস্রভা হইলে, কুন্তীদেবী পুত্রকামসমভি-
 ব্যাহারে হস্তিনাপুরে প্রত্যাবৃত্ত হইলেন। তীক্ষ্ণ,
 বিদূর ও ধৃতরাষ্ট্র ঈহাদিগকে সাদরে গ্রহণ করিয়া,
 বখোচিত যত্নপ্রদর্শন করিতে লাগিলেন।

কিছুদিন পরে কৈরবরগণ ও পাণ্ডবগণ
 শিকোপযোগী বরমে পদার্পণ করিয়া, মহামতি
 তীক্ষ্ণ ঈহাদিগকে শিক্ষা প্রদান করিবার জন্য
 উদ্যোগ করিতে লাগিলেন। ইত্যবসরে পণ্ডিত-
 জ্যেষ্ঠ ধনুর্বিদ্যাশিষ্যরত্ন দ্রোণাচার্য্য পাণ্ডব-
 রাজের নিকট অপমানিত হইয়া, তীক্ষ্ণসমীপে
 উপস্থিত হইলেন, এবং বালকদিগের শিক্ষকতা কার্য্য
 প্রার্থনা করিলেন। দ্রোণাচার্য্য মহানুভব তীক্ষ্ণকর্তৃক
 সংকৃত হইয়া, পরম-সমাদরে কুরুগৃহে বাস করিতে
 লাগিলেন। তিনি গুরুময় হইয়া, আগমন-
 সত্যক আদ্যোপাস্ত বর্ণনা করিলে, তীক্ষ্ণ তাঁহাকে
 প্রচুর অর্থদান করিয়া, তদীয় পৌত্রগণকে শিষ্য-

রূপে সমর্পণ করিলেন এবং তাঁহার বাসের
নিমিত্ত এক বৃহৎ অট্টালিকা ও পরিচর্যার নিমিত্ত
অনেক দাসদাসী নিযুক্ত করিয়া দিলেন ।

কিছুকাল অতীত হইলে, ধৃতরাষ্ট্ররাজগণ
ও পাণ্ডুপুত্রগণ নানাশাস্ত্রে ও নানাবিধ অস্ত্রবিদ্যায়
অনিপুণ হইয়া উঠিলেন । দ্রোণাচার্য্য ভীষ্মকে এই
শুভসংবাদ জ্ঞাপন করিলে, তিনি পৌত্রগণের
অস্ত্রশিক্ষায় নৈপুণ্য পরীক্ষা করিবার নিমিত্ত এক
বঙ্গভূমি নির্মাণের অনুমতি প্রদান করিলেন । প্রশস্ত
রঙ্গভূমি যথাসময়ে নির্মিত হইলে, নির্দিষ্ট দিবসে
চতুর্দিক্ হইতে রাজগণ ও অপরাপর দর্শকমণ্ডলী
উথায় সমবেত হইলেন । কুরুবালকেরা সকলেই
নানাবিধ অস্ত্রবিদ্যায় পারদর্শী হইয়াছিলেন ; কিন্তু
ইহার মধ্যে এক একজন এক এক বিদ্যায় বিশেষ
নিপুণতা লাভ করিয়াছিলেন । দর্শকমণ্ডলী তাঁহাদের
রলবাণ্য ও অস্ত্রবিদ্যায় পারদর্শিত্ব দেখিয়া আশ্চর্য্যা-
স্থিত হইলেন । ভীষ্ম, দ্রোণ, ধৃতরাষ্ট্র এবং বৃদ্ধ
মন্ত্রিগণ রাজকুমারদিগের বিজ্ঞাবুদ্ধি দেখিয়া বৎ-
পরোনাস্তি প্রীতি লাভ করিলেন ।

কিন্তু এই সকল সুখকর ব্যাপারের মধ্যে, এক অতি কষ্টকর, রাজ্যের অমঙ্গলজনক এবং ভারতের ভাবী অবনতির মূলীভূত কারণ কোরব ও পাণ্ডবগণের মধ্যে ঈর্ষানল ক্রমশঃ বৃদ্ধি পাইতে লাগিল। কি কুসংকে এই ঈর্ষানল প্রজ্জ্বলিত হইল, তাহা কে বলিতে পারে ? উহার ফল অজ্ঞাপি ভারতবাসিগণ অনুভব করিয়া মনঃকষ্টে ত্রিয়মাণ হইয়া রহিয়াছে। বিশেষতঃ ভীম ও দুর্যোধন উভয়ের মধ্যে বাল্যকাল হইতেই ঈর্ষাবৃত্তি অত্যন্ত বলবতী হইয়া উঠিয়াছিল। ক্রীড়াচ্ছলে দুর্যোধন অনেকবার ভীমের প্রাণবিনাশের চেষ্টা করিয়াছিলেন ; কিন্তু কৃতকার্য হইতে পারেন নাই। ভীম ও দ্রোণ বিশেষরূপে বিবেচনা করিয়া দেখিলেন যে, কিছুতেই কোরব ও পাণ্ডবগণ অসমপত্ন্যভাবে একত্র বাস করিতে পারিবে না। ধৃতরাষ্ট্রও ইহা বুঝিয়া, পাণ্ডবদিগকে স্থানান্তরিত করিবার অভিপ্রায় করিয়া, বারণাসিতে পাঠাইবার ইচ্ছা প্রকাশ করিলেন। দুর্যোধন ইহা অবগত হইয়া, পুরোচন নামক তদীয় এক বিশ্বস্ত ভৃত্য দ্বারা তথায় এক জটুময় গৃহ নির্মাণ করাইলেন।

যুধিষ্ঠির স্বতরাষ্ট্রের অভিযাত্রা বুঝিয়া এবং
 আপনাকে নিতান্ত অসহায় বনে করিয়া, তাঁহার
 আদেশশ্রুতানুসারে সম্মত হইলেন। তৎপরে গুরুজনের
 নিকট গমন করিয়া কহিলেন,—“আমরা পরম পুণ্য
 নিত্যব্যয় আদেশে বারণাবতে গমন করিতেছি,
 বাহাতে আমাদের কোনরূপ অসজল না ঘটে,
 আপনারা আমাদের সঙ্গেইরূপ আশীর্ব্বাদ করুন।”
 যুধিষ্ঠির ভীষ্ম, দ্রোণ, বিদুর ও শাক্যারীর নিকট
 বিদায় লইয়া, মাতা ও চারি ভ্রাতার সহিত
 বারণাবতে প্রস্থান করিলেন। বাইবার সময় বিদুর
 অপরের অবোধ্য স্নেহভাবায় যুধিষ্ঠিরকে দুর্ব্বোধনের
 চরিত্রলক্ষি জানাইলে, “বুঝিলাম” বলিয়া যুধিষ্ঠির
 তাহার উত্তর প্রদান করিয়া, বারণাবতে প্রস্থান
 করিলেন; এবং ভাষায় উপস্থিত হইয়া অতি
 সাবধানতার সহিত বাস করিতে লাগিলেন।

শীতবেরা বারণাবতে প্রস্থান করিলে, ভীষ্ম
 মনে মনে চিন্তা করিতে লাগিলেন যে, দৈবের
 শক্তি কি দুর্ব্বোধ্য! অতর্কিতভাবে দুর্নিবার আত্ম-
 বিরোধ দ্বারা যে কৌরব ও পাণ্ডবদ্বয়ের ভবিষ্যতে

বিশেষ অসুস্থ হইলেন। ইহা জানিয়া তিনি মনে মনে অত্যন্ত দুঃখ ও দুঃখিত হইলেন। দুইরাষ্ট্র একে দুর্ব্যোধনের পাগপ্রবৃত্তি ও কলহের পরিণাম টিকিয়া করিয়া তীব্র অতিশয় দুঃখ হইলেন। পাণ্ডব পণের অনিষ্টসম্ভাবনার বিবরণ ভাবিয়া, তিনি নির্জনে অশ্রুপাত করিতে লাগিলেন। কহন্তরোপরি কহন্তর কল বিষময় হইলে, যেসকল কটোর সকল হয়, দুর্ব্যোধনের দুর্ব্যবহারে তাঁহার সেইরূপ সমোবেদনার আবির্ভাব হইল। তিনি মনে মনে ভাবিতে লাগিলেন,—“কেন আমি হস্তিনাপুরী ত্যাগ করিয়া মাতা সত্যবতীর সহিত বন গমন করিয়া যোগমার্গ অবলম্বন করিলাম না? কেনই বা এতদিন কুরুকুলরক্ষণের ভার বহন করিলাম? এক্ষণে কি প্রকারে সমস্তেই কোরব ও পাণ্ডবদিগের ক্ষয়বিধারক আত্মবিরোধ দেখিব? আমি বাল্যকাল হইতেই রাজকীয় কার্য পরিত্যাগ করিয়াছি; আমার নিজের কোনরূপ ভোগবাসনা নাই, তবে বিধাতা কেন আমাকে দুর্বিকল্প আত্মবিরোধ দেখিবার অন্ত জীবিত রাখিয়াছেন?” তাঁহা

গভীর মর্শ্মগীড়ায় কাতর হইয়া এইরূপ বিলাপ করিতে লাগিলেন।

যুধিষ্ঠির স্বীয় মাতা ও ভ্রাতৃগণের সহিত হারণাবত নগরীতে উপস্থিত হইলে, নগরবাসিগণ সাদরে তাঁহাদের অভ্যর্থনা করিল। যুধিষ্ঠিরের নিরঙ্করভাব ও সাদরসম্ভাষণে তত্রস্থ আবালবৃদ্ধ-বনিতা সকলেই প্রীত হইল। ইতঃপূর্বে চুর্যোধনের আদেশে ক্রুরপ্রকৃতি পুরোচন এক জড়গৃহ নির্মাণ করিয়াছিল; এক্ষণে কৃত্রিম সৌজশ্য প্রকাশ-পূর্বক পাণ্ডবদিগকে সেই রমণীয় প্রাসাদে লইয়া গেল। যাহা হউক, ঐ গৃহে অগ্নি প্রদান করিবার পূর্বেই, পাণ্ডবগণ মাতৃসমভিব্যাহারে তথা হইতে পলায়ন করিয়া আত্মরক্ষা করিয়াছিলেন। তৎপরে কিছুকাল বনে বনে ভ্রমণ করিয়া, অবশেষে পাঞ্চালরাজ্যে উপনীত হইয়া শুনিলেন যে, জতুজ্য লাবণ্যবতী তনয়া বাজ্রসেনীর বিবাহার্থ পাঞ্চালরাজ দ্রুপদ এক স্বয়ংবর-সভা আহ্বান করিয়াছেন। তথায় নানা দিগদেশ হইতে পরাক্রমশালী বীরাত্মগণ্য রাজগণ ঐ অলোকসামান্য রূপবতীর

পাণিগ্রহণার্থ সমবেঁত হইয়াছেন । “পাণ্ডবগণ
এই সংবাদ পাইয়া, দ্রৌপদীলাভার্থ জননীৰ অনুমতি
গ্রহণপূৰ্ব্বক সভায় উপস্থিত হইয়া, ব্রাহ্মণমণ্ডলী-
মধ্যে আসনপরিগ্রহ করিলেন । অত্ৰদিকে স্তম্ভজিত
মঞ্চে উপবিষ্ট ভূপালগণের মধ্যে ভীষ্ম, দ্রোণ,
দুর্যোধন প্রভৃতি কোরবগণ ও বীরশ্রেষ্ঠ রাধেয় কৰ্ণ
উপবিষ্ট ছিলেন ।

অনন্তর নানাভরণভূষিতা পটুবস্ত্রপরিহিতা কৃষ্ণা
হস্তে বরমাল্য গ্রহণ করিয়া, ভ্রাতা ধৃষ্টদ্যুম্নের
সহিত সভামণ্ডপে প্রবেশ করিলেন । সভাস্থলে
উপবিষ্ট রাজগণ উদ্‌গ্ৰীব হইয়া, পাঞ্চালীর রূপ-
লাবণ্য দেখিয়া, কাহার ভাগ্য স্তম্ভপ্রসন্ন হয়, দেখিতে
সাতিশয় কোতূহলী হইলেন । পাঞ্চালরাজপুত্র
সভামধ্যে দণ্ডায়মান হইয়া জলদগন্তীরস্বরে ভূপতি-
দিগকে সম্বোধন করিয়া কহিলেন,—“হে রাজগণ !
আপনারা অবহিতচিত্তে শ্রবণ করুন :—এই
শরাসন ও এই নিশিত পঞ্চশর রহিয়াছে ; আকাশে
ঐ কৃত্রিম স্তবর্ণমৎস্ত এবং তন্মিলে যদ্বমধ্যস্থ ছিট
লক্ষিত হইতেছে । যিনি জলমধ্যে মৎস্তলঙ্ক্যের

প্রতিবন্ধ দেখিয়া, বদ্ধস্থিত হিষ্টের মধ্য দিয়া এ লক্ষ্য ভেদ করিতে সমর্থ হইবেন, আমার ভগিনী কৃষ্ণ তাঁহারই গলে বরমাণ্য প্রদান করিবেন।”

এই কথা বলিয়া ধৃতদ্রুপ আসনপরিগ্রহ করিলে, নৃপতিগণ একে একে আসন পরিভ্রমণ করিয়া শরাসনের নিকট গমন করিলেন; কিন্তু কেহই সেই দুরানম্য শরাসনে শরশোভনা করিতে সমর্থ হইলেন না। দুর্যোধন অরং বিকলপ্রয়াস হইলে, মহাবীর ভীম ধনুর নিকট গমন করিয়া কহিলেন,—“হে সত্যাহ নরপতিগণ! বোধ হয় আপনারা সকলেই আমার প্রতিজ্ঞা অবগত আছেন যে, আমি কদাচ দারপরিগ্রহ করিব না; আমি যদি লক্ষ্যভেদ করিতে পারি, তবে মহারাজ দুর্যোধনকে এই কস্তারত্ন অর্পণ করিব। এই বলিয়া কার্শ্বক গ্রহণ করিবামাত্র সম্মুখে শিখণ্ডকে দেখিতে পাইলেন এবং তৎক্ষণাৎ সেই স্থানে ধনুক রক্ষা করিয়া, নিজ আসনে উপবেশন করিলেন। মহামতি ভীম উপবেশন করিলে, বীরবর কৃষ্ণ লক্ষ্যভেদ করিতে অগ্রসর হইলেন। কিন্তু তাঁহাকে

দেখিয়া জ্যোৎস্না বলিয়া উঠিলেন,—“আমি সুত-
পুত্রকে কদাপি স্বামিরূপে গ্রহণ করিব না।” কৰ্ম-
লজ্জার অধোবদন হইয়া স্বীয় স্থানে গমন করিয়া
উপবেশন করিলেন।

স্বয়ংবরসভায় সমবেত রাজগণ এইরূপে একে
একে বিকলপ্রযত্ন হইলে, ধনুর্ধরাগ্রগণ্য, মহাবীর
অর্জুন ব্রাহ্মণসভা-মধ্য হইতে গাত্রোত্থান করিয়া,
লক্ষ্যভেদ করিবার উদ্দেশ্যে যুধিষ্ঠিরের অনুমতি
প্রার্থনা করিয়া তাঁহার প্রতি দৃষ্টি নিক্ষেপ করিলেন।
অর্জুনের তদানীন্তন ছদ্মবেশ দেখিয়া কেহই
তাঁহাকে চিনিতে পারেন নাই। ব্রাহ্মণগণ অর্জুনকে
এই অসমসাহসের কার্য করিতে উদ্ভত দেখিয়া,
বলপূর্বক তাঁহাকে উপবেশন করাইতে চেষ্টা
করিতে লাগিলেন। কেহ কেহ বলিতে লাগিলেন,—
“ধনুর্বিষছা-বিশারদ মহারথগণ যে লক্ষ্য ভেদ করিতে
অক্ষম, দুর্বল ব্রাহ্মণ সেই দুষ্কর কার্য করিতে
উদ্ভত হইরাছে; ইহার কল কেবল এই-মাত্র
দেখিতেছি যে, আমরা কুশাগ্রগণের ঘৃণা ও উপ-
হাসের পাত্র হইব।” ব্রাহ্মণগণের এইরূপ

কথোপকথন শুনিয়া এবং অর্জুনের মনোমত
অভিপ্রায় বুঝিতে পারিয়া, ব্রাহ্মণবেশধারী যুধিষ্ঠির
বলিতে লাগিলেন,—“হে ব্রাহ্মণগণ ! আপনারা
কেন ইহাকে বাধা প্রদান করিতেছেন ? নিজের
বাহুবল না থাকিলে, এই ব্যক্তি কদাচ এই কার্য্যে
অগ্রসর হইতে সাহসী হইতেন না ।”

এই কথা শুনিয়া ব্রাহ্মণগণ নিরস্ত হইলেন
তখন অর্জুন শরাসন-সমীপে গমন করিলেন এবং
উহাতে অনায়াসে শরযোজনা করিয়া, সেই দুর্ভেদ্য
লক্ষ্য অনায়াসে ভেদ করিয়া, ভূতলে পাতিত
করিলেন । ভীষ্ম ব্রাহ্মণবেশী অর্জুনকে দেখিয়াই
মনে মনে অনুমান করিয়াছিলেন যে, ইনি নিশ্চয়ই
হৃদ্যবেশী দ্বিতীয় পাণ্ডব অর্জুন ; নতুবা যে বীরপনায়
মহাবীরগণ পরাভূত, সেই দুষ্কর কার্য্য আর কে
অগ্রসর হইতে পারে ?

পাণ্ডালীকে লাভ করিয়া, পাণ্ডবগণ সর্বজনকর্তৃক
পরিজ্ঞাত হইলে, ভীষ্ম ও দ্রোণাচার্য্য প্রভৃতি
কুরুবংশের মঙ্গলাকাঙ্ক্ষী ব্যক্তিগণ তাঁহাদিগকে
হস্তিনাপুরে সাদরে লইয়া গেলেন । তথায় কিছুকাল

বাস, কারবার পর, কোরব ও পাণ্ডবাদগের পরস্পর
 ঈর্ষাভাব দেখিয়া, ভীষ্ম, বিদুর প্রভৃতি মনীষি
 ইহাদের মধ্যে কোন কালেই সম্ভাব স্থাপিত হইব
 সম্ভাবনা নাই বুঝিয়া, পাণ্ডবদিগকে স্থানান্তরিত
 করিবার অভিপ্রায় করিলেন। হস্তিনাপুরের
 অনতিদূরে ইন্দ্রপ্রস্থ নামক স্থানে পাণ্ডবদিগকে
 প্রেরণ করা স্থির হইল। উভয় পিতৃব্যপুত্রদিগের
 মধ্যে সমভাবে রাজ্য বিভাগ করিয়া দিয়া,
 মহামনা ভীষ্ম পাণ্ডবদিগকে ইন্দ্রপ্রস্থে প্রেরণ
 করিলেন। অতি অল্পদিনের মধ্যেই তাঁহারা নিজ
 ভূজবলে দিগন্তবিশ্রুত হইয়া উঠিলেন; তাঁহাদের
 যশোরশি ও বীরত্ব-প্রভাবে সকলেই তাঁহাদের প্রতি
 অনুরক্ত হইয়া উঠিল। ক্ষমতাশালী ব্যক্তিগণ
 স্বকীয় ক্ষমতাবলে সর্বজনপূজ্য হইয়া উঠেন।

কিছুদিন পরে, মহারাজ যুধিষ্ঠির ময়-নামক
 দানবরাজকে আহ্বান করিয়া, তাঁহাকে এক রমণীয়
 সভামণ্ডপ নির্মাণ করিতে অনুমতি প্রদান করিলেন।
 যুধিষ্ঠিরের আজ্ঞা প্রাপ্ত হইয়া, দানবরাজ অত্যন্ত
 অলৌকিক সভামণ্ডপ নির্মাণ করিলেন। একদা

মহামানী রাজা চুয়োখন যুধিষ্ঠির-কর্তৃক নিমন্ত্রিত হইয়া, উক্ত সভাতে গমন করিয়া, মনিষ্য গৃহপ্রাঙ্গণে শূলভ্রমে জলমধ্যে পতিত হইয়া, আপনাকে অভ্যস্ত অপমানিত বোধ করেন। তিনি পাণ্ডবদিগের ঐশ্বর্য্যরাশি দেখিয়া মনে মনে ঈর্ষানলে দগ্ধ হইতে লাগিলেন এবং হস্তিনাপুরে প্রত্যাবৃত্ত হইয়াই প্রতি-
হিংসা লইবার অশ্রু কৃতসঙ্কল্প হইলেন এবং মাতুল শকুনির পরামর্শে যুধিষ্ঠিরকে কপট দ্যুতক্রীড়ায় পরাজিত করিয়া, তাঁহাদের রাজ্যাদি গ্রহণপূর্ব্বক দ্বাদশবৎসর বনবাসে প্রেরণ করিলেন।

চুর্ব্বক্ষি ধৃতরাষ্ট্রপুত্রগণ কপটদ্যুতে পাণ্ডবগণকে পরাজিত করিলে পর, তাঁহারা জাতক্রোধ হইয়া অস্ত্র-শস্ত্রে গ্রহণপূর্ব্বক দ্রৌপদীসমভিব্যাহারে হস্তিনাপুর হইতে বহির্গত হইয়া উত্তরাতিমুখে গমন করিলেন। তাঁহাদের অনুরক্ত ভৃত্যগণ দ্রৌপদীসমভিব্যাহারে নগর-পরিত্যাগ করিয়া অশ্রুত চলিয়া গেল; পুরবাসিনগণ তাঁহাদের বনগমন-বার্ত্তা-শ্রবণে নিতান্ত শোকসন্তপ্ত হইয়া, নির্ভয়চিত্তে ভীষ্ম, দ্রোণ, বিদুর ও কৃপাচার্য্যকে বারংবার অনুৰোধ করিতে লাগিলেন।

ভীষ্ম ও বিদুর শোকে ভিন্নমান হইলেন। পৌরগণ
 পাণ্ডবগণের সমীপে গমন করিয়া, কৃতান্তলিপুটে
 কহিতে লাগিলেন—“হে মহাভাগ! আপনার
 আমাদিগকে পরিত্যাগ করিয়া কোথায় বাইবেন ?
 আমরাও আপনাদের অনুগামী হইব।”

যুধিষ্ঠির কহিলেন,—“আমরাই ধন্য, কেননা
 আমাদের যে সকল গুণ বাস্তবিক নাই, প্রজাগণ
 স্নেহ ও কারুণ্যবশতঃ তাহাও কীৰ্ত্তন করিতেছে ;
 তৎপরে তাহাদিগকে লাদরসম্ভাষণ করিয়া কহিলেন,
 —“এক্ষণে আপনারা স্নেহ ও অনুকম্পা প্রকাশ
 করিয়া, আমার অনুরোধে গৃহে প্রত্যাবৃত্ত হউন।
 পিতামহ ভীষ্ম, রাজা ধৃতরাষ্ট্র, বিদুর, জননী কুন্তী
 এবং অনেক বন্ধুবান্ধবগণ হস্তিনাপুরে রহিলেন।
 তাঁহারা শোকসম্মত্রে অভ্যস্ত কাতর হইরাছেন ;
 আপনারা সকলে মিলিত হইয়া, অন্ততঃ আমাদের
 হিতকামনায়, বহুপূর্বক তাঁহাদিগের রক্ষণাবেক্ষণ
 করুন। আমি বন্ধুবান্ধবগণকে আপনাদের হস্তে
 সমর্পণ করিলাম ; আপনারা তাঁহাদের প্রতি স্নেহ-
 পরবশ হইয়া, আমাদের সহগমন হইতে বিরত

ভীষ্ম

হউন, তাহা হইলেই আমার তুষ্টিসাধন হইবে।”
ধৰ্ম্মরাজ প্রজাগণকে এইরূপ মধুর সম্ভাষণে প্রীত
করিয়া বিদায় করিলে, তাহার একত্র হইয়া,
‘হা রাজন্!’ বলিয়া অতি করুণস্বরে আৰ্ত্তনাদ করিতে
লাগিল এবং পাণ্ডবগণের গুণরাশি স্মরণপূর্বক অতি
কাতরচিত্তে অগত্যা প্রতিনিবৃত্ত হইল।

পৌরগণ প্রতিনিবৃত্ত হইলে, পাণ্ডবেরা রথারোহণ
পূর্বক জাহ্নবীতীরে প্রমাণনামে বটবৃক্ষ লক্ষ্য
করিয়া গমন করিতে লাগিলেন। দিবাবসানে তথায়
উপস্থিত হইয়া, পবিত্র জল স্পর্শ করিলেন; এবং
কেবল ঐ জলমাত্র পান করিয়া, অতিকষ্টে সেই
রাত্রি তথায় অতিবাহিত করিলেন। প্রভাতে তাহার
পুনরায় অশ্বদিকে যাত্রা করিলেন।





পঞ্চম পরিচ্ছেদ ।

পাণ্ডবদিগের বনবাসক্লেশ চিন্তা করিয়া, ভীষ্ম
গভীর শোক-সাগরে নিমগ্ন হইলেন । ইন্দ্রপ্রস্থে
মহারাজ যুধিষ্ঠির-কৃতরাজসূয়যজ্ঞ দেখিয়া, তাঁহার মনে
বৈষ্ণব আহ্লাদের সঞ্চার হইয়াছিল, এক্ষণে পাণ্ডব-
দিগের অরণ্যযাত্রা দর্শনেসেইরূপ বিবাদের আবির্ভাব
হইল । তিনি স্পষ্টই বুঝিতে পারিলেন যে,কৌরবও
পাণ্ডবদিগের পরস্পরের ঈর্ষাভাব উত্তরোত্তর বৈষ্ণব
বর্জিত হইতেছে, তাহাতে শীঘ্রই বোরতর আত্মবিগ্রহ
ঘটিবে । ধৃতরাষ্ট্র ও দুর্যোধনের পাপ-মতিই যে ইহার
মূল কারণ,তাহা ভাবিয়া,তিনি মনে মনে অত্যন্ত ক্লেশ

হইলেন । এই ভাবী আত্ম-বিরোধের ফল অতি ভয়-
কর ; ইহাতে হয়ত উভয় কুলই নির্মূল হইবে ।

পাণ্ডবগণ অতিকষ্টে নানস্থান ভ্রমণ করিয়া,
দ্বাদশ বৎসর অরণ্যবাসে অতিবাহিত করিলেন ।
তাঁহারা প্রতিজ্ঞা করিয়াছিলেন যে, এক বৎসর
অজ্ঞাতভাবে বাস করিবেন ; এইজন্য ত্রয়োদশ
বৎসরটি অজ্ঞাতভাবে বিরাটরাজ ভবনে অতিবাহিত
করিতে ইচ্ছা করিলেন । পাছে কেহ তাঁহাদিগকে
চিনিতে পারে, এই আশঙ্কায় এক ছুরারোহ পর্বত-
শিখরস্থিত শমীবৃক্ষে আয়ুধসকল রক্ষা করিয়া, হস্ত-
বেশ ধারণপূর্বক মৎস্যরাজ্যস্থানীপে গমন করিলেন ।
সুখিষ্ঠির 'কক' নাম ধারণ করিয়া, রাজার অঙ্গ-
ক্রীড়ার নিমিত্ত বয়স্ক ভাবে রহিলেন । ভীম 'বল্লভ'
নাম পরিগ্রহ করিয়া, সূপকারদিগের তত্ত্বাবধায়ক
নিযুক্ত হইলেন । অর্জুন ক্রীড়াবেশ ধারণপূর্বক
'বৃহন্নলা' নামে আত্মপরিচয় দিয়া, রাজকুমারী
উত্তরাকে নৃত্যগীত শিক্ষা দিতে লাগিলেন । নকুল
'প্রস্থিক' নাম ধারণ করিয়া, বিরাটের অশ্বশালাধ্যক্ষ
হইলেন এবং সহদেব 'অরিস্টনেসি' নামে পরিচিত

হইয়া গো-পালন-কার্যে নিযুক্ত হইলেন । পাণ্ডব-মহিষী বাজ্রসেনী ‘সৈরিক্তী’ নামে পরিচিতা হইয়া রাজমহিষী স্ত্রীদেফার পরিচর্যা-কার্যে নিযুক্ত হইলেন ।

অজ্ঞাতবাস-সময়ে পাণ্ডবেরা পরিজ্ঞাত হইলে, পুনরায় তাঁহাদিগকে ঘাদণ বৎসর বনবাসে গমন করিতে হইবে, এইজন্ত তাঁহাদের অনুসন্ধানার্থে নানাদিকে নিপুণ চর-সমূহ প্রেরিত হইল । পরন্তু চরগণ নানাবিধ ছদ্মবেশ ধারণ করিয়া, প্রচ্ছন্নভাবে সর্বত্র অনুসন্ধান করিয়াও পাণ্ডবগণের কোনরূপ অনুসন্ধান করিয়া উঠিতে পারিল না । বিকলপ্রয়াস হইয়া চরগণ হস্তিনায় প্রত্যাগমন পূর্বক, রাজা দুর্যোধনের সভায় উপস্থিত হইয়া কৃতাকুলিপুটে নিবেদন করিল,—“মহারাজ । আমরা অসমসাহসে তর করিয়া, নানাবিধ হিংস্রজন্তু-সকুল দুর্গম অরণ্য, ছুরারোহ শৈলশিখর, নানাবিধ লোকপরিপূর্ণ নগর প্রভৃতি সর্বত্র অবহিতচিত্তে পরিভ্রমণ করিয়াও পাণ্ডবগণের কোন সন্ধান করিতে পারিলাম না । আমাদের বিশ্বাস, তাঁহারা বনমধ্যে কোন হিংস্রজন্তু-

কর্তৃক বিনষ্ট অথবা কোন প্রবল অরাতি বা দম্ভ্য
কর্তৃক নিহত হইয়াছেন ।

দূতগণের বাক্য শ্রবণ করিয়া, দুর্ঘোষন ঋণকাল
মৌনভাবে চিন্তা করিয়া, অবশেষে সভাস্থলে উপবিষ্ট
ভীষ্ম, দ্রোণ, বিদুর ও বৃদ্ধমন্ত্রীদিগকে এ বিষয়ে
কি কর্তব্য, তাহা জানিবার ইচ্ছা প্রকাশ করিলেন ।
ভীষ্ম দুর্ঘোষনের অগ্নে প্রতিপালিত হইলেও,
ধর্মপরায়ণতা-নিবন্ধন পাণ্ডবগণকে আন্তরিক স্নেহ
করিতেন । তিনি দুর্ঘোষনকে বলিলেন,—“বৎস !
তোমরা এবং পাণ্ডবগণ উভয়ই আমার সমান স্নেহের
পাত্র ; বাহাতে তোমাদের কোনরূপ অনিচ্ছা-
পাতের সম্ভাবনা আছে, তাহাতে আমি কিরূপে
উপদেশ দিই, তাহা আমি তোমাকে স্পষ্টাক্ষরে
বিস্তারিত, সুনির্দিষ্ট সত্য, ধৃতি, ক্রমা, সরলতা
প্রভৃতি সদগুণের আধার । যে ব্যক্তি সত্যপথ
অবলম্বন করিয়া চলে, ভবিষ্যতে নিশ্চয় তাহা
সম্মলসাধন হয় ; অতএব ঈর্ষাস্বস্তি পরিত্যাগ করিয়া
সত্যপথ অবলম্বন কর ; তাহা হইলে, উত্তম
স্বখ-সমৃদ্ধি বৃদ্ধি পাইবে ।”

এদিকে পাণ্ডবেরা অজ্ঞাতভাবে বিরাট-ভবনে বাস করিতে লাগিলেন। ক্রমে ক্রমে অজ্ঞাতবাস-কাল প্রায় অতীত হইয়া আসিল। একদা রাজা দুর্যোধন শুনিলেন যে, বিরাটরাজের সেনাপতি মহাবল কীচক এক গন্ধর্ব-কর্তৃক রাত্রিকালে হত হইয়াছে। বিরাটরাজের অনেক গোধন ছিল ; কিন্তু দুর্যোধন এপর্যন্ত কীচকের বাহুবল-রক্ষিত রাজ্যে প্রবেশ করিতে সাহসী হন নাই। অধুনা তাহার নিধন সংবাদ শ্রবণে উৎসাহিত হইয়া, ভীষ্ম, দ্রোণ, কর্ণ প্রভৃতি ধনুর্ধরগণের সহিত বিরাটের গোধন-হরণ-মানসে যাত্রা করিলেন।

গৌগৃহে কৌরবসৈন্য সমাগত হইয়াছে দেখিয়া রাজকুমার উত্তর সৈন্য সুসজ্জিত হইয়া, গোধন-রক্ষার্থ প্রস্তুত হইলেন। কৌরব বীরগণের নাম প্রণয়ন করিয়া কেহই উত্তরের সারথি হইতে স্বীকৃত হইলেন না। অবশেষে বৃহস্পতি-বংশধারী মহাবীর অর্জুন সারথি-পদ গ্রহণ করিলেন। বিরাটতনয় উত্তর বিপক্ষদিগের সৈন্যসমূহ দেখিয়া, অয়াশাত্যাগ করিয়া, দূরত্বে উদ্যত হইলে, অর্জুন তাঁহাকে রথরশ্মি

ধারণ করিতে দিয়া, স্বয়ং যুদ্ধ করিতে প্রস্তুত হইলেন এবং শমীবৃক্ষ হইতে স্বীয় প্রসিদ্ধ গাণ্ডীব ধনু ও বাণ গ্রহণ করিয়া যুদ্ধে অগ্রসর হইলেন। কৌরবসৈন্যগণের মধ্যে অনেকেই অর্জুনকেচিনিতে পারিলেন। ভীষ্ম অর্জুনের সুন্দর আকৃতি, অসামান্য বুদ্ধিনৈপুণ্য ও গাণ্ডীব ধনু দেখিয়া যুগপৎ আহলাদ ও বিস্ময়-সাগরে নিমগ্ন হইলেন। অজ্ঞাতবাস-কাল পরিপূর্ণ না হইতেই পরিচয় পাওয়া গিয়াছে ; সুতরাং পাণ্ডবদিগকে পুনর্ব্বার দ্বাদশবৎসরকাল বনবাসে বাইতে হইবে—এই বলিয়া দুর্য্যোধন যখন আহলাদ প্রকাশ করিতে লাগিলেন, তখন ভীষ্ম কহিলেন,—“দেখ, মহারাজ দুর্য্যোধন! পাণ্ডুপুত্রগণ অতি সত্য-পরায়ণ, তাহারা কদাচ সত্যভ্রষ্ট হইবে না। আমি স্বয়ং গণনা করিয়া দেখিয়াছি যে, তাহাদের অজ্ঞাত-বাস-কাল অতীত হইয়া, পাঁচমাসেরও অধিক কাল অতিবাহিত হইয়াছে। প্রতিজ্ঞাত সময় অতীত না হইলে, অর্জুন কদাপি যুদ্ধক্ষেত্রে সমাগত হইতেন না।”

এদিকে অর্জুন অতি অল্পসময়মধ্যে কৌরবসৈন্য পরাজিত করিয়া বিরাটরাজের গোধনের

উদ্ধারসাধন করিলেন। কৌরবগণ অকৃতকার্য হইয়া
 বিবৰ্ণবদনে হস্তিনায় প্রত্যাবৃত্ত হইলেন। পাণ্ডবগণ
 অদ্যাপি জীবিত আছে জানিয়া, তাঁহারা মনে মনে
 চিন্তাকুল হইলেন।

উত্তরের নিকট গোধন-রক্ষার সংবাদ এবং
 অৰ্জুনের পরিচয় পাইয়া বিরাটরাজ অত্যন্ত আহলা-
 দিত হইলেন, পরে দ্রৌপদী ও অশ্বাশ্বি পাণ্ডবগণের
 পরিচয় পাইয়া, তৎক্ষণাৎ যুধিষ্ঠির-সমীপে ক্ষমা
 প্রার্থনা করিলেন। অনন্তর তিনি অৰ্জুনের সহিত
 নিজকন্যা উত্তরার বিবাহ দিবার প্রস্তাব করিলে,
 অৰ্জুন বলিলেন, আমি সংবৎসরকাল রাজকুমারীর
 শিক্ষাদানে নিযুক্ত ছিলাম; অতএব উত্তরা আমার
 কন্যাস্থানোয়া। অনন্তর তিনি নিজপুত্র অভিমন্যুর
 সহিত উত্তরার বিবাহ দিবার প্রস্তাব করিলেন।
 বিরাটরাজও আহলাদ-সহকারে এই প্রস্তাবে স্বীকৃত
 হইলেন। যুধিষ্ঠির বহুপতি শ্রীকৃষ্ণকে এই সংবাদ
 জ্ঞাপন করিলে, তিনি স্বয়ং ভাগিনের হৃৎকোষ-ভর
 অভিমন্যু ও অশ্বাশ্বি আশ্রয়গণ-সমভিব্যাহারে বিরাট
 নগরে উপস্থিত হইয়া, মহাসমারোহে উদ্ধারকার্য

সম্পাদন করিলেন । বিরাটরাজ পাণ্ডবদ্বিগৈর সহিত
 বন্ধুত্ব-সূত্রে ও আত্মীয়তা-সূত্রে বদ্ধ হইয়া, আপনাকে
 চরিতার্থ মনে করিলেন । ইহকাল অভিমত স্বামী
 প্রাপ্ত হইয়া আহলাদ-সাগরে নিমগ্ন হইলেন । কিছু-
 কাল বিরাটনগরী বিবাহোৎসবে আনন্দময় রহিল ।



ষষ্ঠ-পরিচ্ছেদ ।

এইরূপে কয়েকদিন অতীত হইলে এবং অত্যাশ্চর্য আত্মীয় স্বজনগণের মধ্যে অনেকে স্ব স্ব গৃহে প্রত্যাবর্তন করিলে, যুধিষ্ঠির শ্রীকৃষ্ণ, বিরাট, দ্রুপদ প্রভৃতি ঘনিষ্ঠ আত্মীয়গণের সহিত পুনরায় রাজ্য-প্রাপ্তির পরামর্শ করিতে লাগিলেন। অবশেষে উভয় পক্ষে সন্ধিস্থাপনের জন্য একজন বিশ্বস্ত দূত প্রেরণ করু হইল। তদনুসারে দ্রুপদের পুরোহিত হস্তিনাপুরে দূতরূপে প্রেরিত হইলেন। নীতিজ্ঞ পুরোহিত কুরুরাজধানীতে উপস্থিত হইলে, প্রতiharী রাজসভায় সংবাদ প্রদান করিল,—“মহারাজ ! একজন বয়োবৃদ্ধ ব্রাহ্মণ বিরাট নগর হইতে

পাণ্ডবদিগের সংবাদ লইয়া দ্বারদেশে দণ্ডায়মান
আছেন। অনুমতি হইলে সভাস্থলে আনয়ন
করি।” যুধিষ্ঠিষ্ঠী তাঁহাকে সম্মুখীন আনিতে অনুমতি
প্রদান করিলে, প্রতিহারী পঞ্চালরাজ-পুরোহিতকে
সঙ্গে করিয়া সভামধ্যে পুনঃ প্রবেশ করিল।
কৌরবগণ ব্রাহ্মণের বধোচিত অভ্যর্থনা দি
করিলে, তিনি সভামধ্যে আসন পরিগ্রহ করিয়া, নিজ
আগমন-প্রয়োজন স্ত্যাপন করিলেন এবং সর্বসমক্ষে
অতি কঠোর ভাষায় দুৰ্য্যোধনের ভৎসনা ও
পাণ্ডবদিগের গুণকীর্তন করিয়া, যুধিষ্ঠিরের নিমিত্ত
অৰ্জুনের প্রার্থনা করিলেন।

ধীরপ্রকৃতি, মহামতি ভীষ্ম ব্রাহ্মণের বাক্য
শ্রবণ করিয়া কহিলেন,—“মহাশয়! আপনি বাহা
কহিলেন, তাহার বাথার্থ্য বিষয়ে আমার অণুমাত্রও
সন্দেহ নাই; কিন্তু আপনার বাক্য স্মৃতিশয় কঠোর
বোধ হইল। বোধ হয়, ব্রাহ্মণ-মূলভ চণ্ডালতার
বশবর্তী হইয়াই আপনি এইরূপ উগ্রতার পরিচয়
দিয়াছেন। অরণ্যবাস-নিপীড়িত পাণ্ডবগণ যে
একপে ধর্ম্মতঃ পৈতৃক রাজ্যের অধিকারী, শুদ্ধিযন্ত্রে

অণুমাত্র সন্দেহ নাই। ইহা পরম সৌভাগ্য ও
আজ্ঞাদের বিষয় যে, তাঁহার সংগ্রামাভিলাষ
পরিত্যাগ করিয়া, সন্ধির প্রস্তাব করিয়াছেন।”

এই কথা বলিয়া ভীম বিরত হইলেন, চুরাশর
কর্ণ, দুর্ঘোষনের অভিপ্রায় বুঝিতে পারিয়া, ভীমের
নিম্না ও ব্রাহ্মণের বাক্যে অনাদর প্রকাশ করিতে
লাগিলেন। কিন্তু অগাধ জলধিকি সামান্য বায়ুবেগে
বিচলিত হয় ? ধীরপ্রকৃতি ভীম কর্ণের চাপল্য ও
কঠোর বাক্যে কিকিন্মাত্র ধৈর্য্যচ্যুত হইলেন না।
তিনি ধীরভাবে কর্ণকে সম্বোধন করিয়া কহিলেন,—
“হে কর্ণ ! তুমি বৃথা আত্মগরিমা ও অহঙ্কার প্রকাশ
করিতেছ বটে, কিন্তু তুমি কি পাণ্ডবদিগের বীরত্ব
একবার ভুলিয়া গিয়াছ ? অর্জুনের বীরত্ব কি
তোমার মনে উদয় হয় না ? নীতি-বিশারদ ব্রাহ্মণ
যাহা বলিলেন, তাহাতে অণুমাত্র সন্দেহ নাই ;
আমাদের এই ব্রাহ্মণের প্রস্তাব অনুসারে কার্য করা
সর্ব্বজ্ঞোক্তাবে যুক্তিযুক্ত ; যদি আমরা তদনুরূপ
অনুষ্ঠান না করি, তাহা হইলে নিশ্চয় ঘোরতর বৃদ্ধ
উপহিত হইবে। তুমি পরিত্যাগ করিয়া অর্জুন

আজকার বার, সমরে তাহার যুগ্মুখে দণ্ডায়মান হয়,
এমন কীর অতি বিরল। আমি যতদূর বুঝিতে
পারি, তাহাতে আমরা নিশ্চয় বিনষ্ট হইব এবং
পাণ্ডবগণ বিজয়ী হইবে।”

ভীষ্ম এই প্রকার বলিয়া বিরত হইলে, ধৃতরাষ্ট্র
দুর্যোধনের মতের বিরুদ্ধে কোনপ্রকার কার্য্য
করিতে সাহস না করিয়া, নিজ প্রিয়পাত্র সঞ্জয়কে
পাণ্ডবদিগের সমীপে প্রেরণ করিলেন। সঞ্জয়
বৈরাট নগরে উপস্থিত হইলে, যুধিষ্ঠির তাঁহাকে
লাদরে গ্রহণ করিয়া, পঞ্চপাণ্ডবের নিমিত্ত পাঁচখানি
মাত্র গ্রাম লইয়া সন্ধিস্থাপনের প্রস্তাব করিলেন।
তিনি হস্তিনাপুরে প্রত্যাগত হইয়া, ধৃতরাষ্ট্র সমীপে
দীর্ঘ কথ্য বলিলেন; কিন্তু কিছুতেই দুর্যোধন
সন্ধিস্থাপনে সন্মত হইলেন না। ধৃতরাষ্ট্রও দুর্যোধনকে
বুঝাইতে বিশেষ চেষ্টা করিলেন না। এদিকে
দুর্যোধন সময়ের আয়োজনে আবৃত্ত হইলেন।

অতঃপর সর্বজনহিতাকাজকী শ্রীকৃষ্ণ স্বয়ং পাণ্ডব-
পক্ষের দূত হইয়া, সন্ধিস্থাপনার্থ হস্তিনাপুরে যাত্রা
করিলেন। এই সময়ে ভীষ্ম ধৃতরাষ্ট্রকে বলিলেন,—

“দেখ, শ্রীকৃষ্ণ স্বয়ং আমাদের মঙ্গলার্থে হস্তিনায় আগমন করিতেছেন; আইস, আমরা তাঁহার প্রতি যথোচিত সম্মান প্রদর্শনসূচক প্রত্যাহার গমন করিয়া, তাঁহাকে সাদরে হস্তিনাপুরে লইয়া আসি।” কিন্তু ধৃতরাষ্ট্র মহামতি ভীষ্মের প্রস্তাবে কর্ণপাত করিলেন না। ভীষ্ম অত্যন্ত আগ্রহের সহিত শ্রীকৃষ্ণকে সম্মান প্রদর্শন করিতে অনুরোধ করিলেন এবং আরও বলিলেন,—“দেখ, শ্রীকৃষ্ণের ক্ষমতা অসাধারণ এবং তাঁহার কর্তব্যবুদ্ধি সর্বোৎসাহিনী। তিনি পক্ষপাতী হইয়া কদাপি কাহারও অপকার করিবেন না। আমার একান্ত অনুরোধ যে, তাঁহার পরামর্শ শুনিয়া পাণ্ডবদিগের সহিত সন্ধিস্থাপন কর। পিতৃহীন পাণ্ডবগণ তোমার ভ্রাতৃ-পুত্র এবং তুমি তাহাদের পিতৃস্থানীয়। অতএব তোমার কর্তব্য যে, তুমি অপত্যনির্বিশেষে তাহাদের লালনপালন কর।”

দুর্য্যোধন ভীষ্মের কথা আভ্যন্তরীণে গ্রহণ করিলেন; কিন্তু কিছুতেই সন্ধিস্থাপন করিতে তাঁহার ইচ্ছা হইল না। তিনি শ্রীকৃষ্ণকে নিজ রাজধানীতে

সমাগত দেখিয়া, তাঁহাকে বন্দী করিবার প্রস্তাব করিলেন। দুৰ্য্যোধনের এই দুৰ্নতিসন্ধি জানিতে পারিয়া, ভীষ্মের প্রকৃতিসিদ্ধ ধৈর্য্য বিচ্যুত হইল। তিনি ক্রোধভরে ধৃতরাষ্ট্রকে সম্বোধন করিয়া বলিলেন,—“হে কৌরবশ্রেষ্ঠ তোমার এই দুৰ্বৃত্ত পুত্রের নিতান্ত মতিভ্রম ঘটিয়াছে; আসন্ন বিপদকালে যে লোকের বুদ্ধিভ্রংশ হয়, তাহা তুমি সবিশেষ অরুণত আছ। ‘দুৰ্ম্মতি দুৰ্য্যোধন’ যদি শ্রীকৃষ্ণের প্রতি অনিচ্চাচরণ করে, তাহা হইলে ত্রিভুবনে কেহই তাহাকে রক্ষা করিতে পারিবে না। শ্রীকৃষ্ণ আমাদের পরম আত্মীয়; বিশেষতঃ তিনি দূতভাবে আমাদের নিকট উপস্থিত; তাঁহার প্রতি অশ্রা-চরণ করা কোনক্রমে বিধেয় নহে।

এ দিকে শ্রীকৃষ্ণ হস্তিনাপুরে আসিয়া উপস্থিত হইলেন। দুৰ্য্যোধনের অনিচ্ছাসম্বন্ধেও ধৃতরাষ্ট্র এবং ভীষ্ম দ্রোণ প্রভৃতি ধৰ্ম্মানুগণ প্রত্যাশ্রয় করিয়া শ্রীকৃষ্ণের হস্তিনাপুরে লইয়া আসিলেন। তিনি নগরে উপস্থিত হইয়া, বরোবৃদ্ধদিগকে অভিবাদন করিয়া বিচরের গর্ভে কলীদেবীর নিকট গমন করিয়া

তাহার চরণবন্দনা পূর্বক পাণ্ডবদিগের কুশল-বার্তা জানাইলেন। ভীষ্ম ও দ্রোণ যথাসাধ্য শ্রীকৃষ্ণের অন্ত্যর্চনা করিতে লাগিলেন এবং তিনি প্রীত হইয়া শিষ্টতাশ্রদর্শনপূর্বক তাঁহাদিগকে বিদায় দিলেন।

শ্রীকৃষ্ণ বিশ্রামাগারে গমন করিয়া ক্লান্তি দূর করিলেন এবং ভীষ্ম-প্রেরিত নানাবিধ উপাদেয় বস্তু ভোজন করিয়া, শয়নাগারে গমনপূর্বক সুখ-নিদ্রায় রজনীযাপন করিলেন।

পরদিন যথাসময়ে, ভীষ্ম-দ্রোণ-কর্ণ-প্রমুখ রাজ্যের প্রধান প্রধান সেনাপতি ও অমাত্যগণ সভাস্থলে সমবেত হইলে, শ্রীকৃষ্ণ উথায় গমন করিলেন এবং আসন-পরিগ্রহ করিয়া, দুর্ধ্যোধন-সমীপে সন্ধির প্রস্তাব করিলেন। মহামতি ভীষ্ম শ্রীকৃষ্ণের প্রস্তাবের সমর্থন করিয়া, দুর্ধ্যোধনকে বলিলেন,—“বৎস। কৌরব ও পাণ্ডবগণের হিতাকাঙ্ক্ষী মহাত্মা যাদব-শ্রেষ্ঠ শ্রীকৃষ্ণ সর্বসমক্ষে বাহা বলিলেন, তুমি সেইরূপ কার্য্য করিয়া সকলের প্রীতিভাজন হও। শ্রীকৃষ্ণ ধর্ম্মসঙ্গত কথাই বলিয়াছেন : তুমি তাহার

প্রস্তাবে অনুমোদন কর। তুমি সকল কাব্যেই
 কনের পরামর্শ গ্রহণ করিয়া থাক,—আমাদের
 সহুগমনে কর্ণপাতি কর না ; এক্ষণে তুমি শ্রীকৃষ্ণের
 কথায় উৎসেহা প্রকাশ করিলে, বিশেষ অনিচ্ছাপাতি
 ঘটিবে। তোমার ছব্যবহারে কুরুকুল-রাজলক্ষ্মী
 অন্তহিতা হইবেন ; তোমার দর্শে ও স্বধাভিমান
 কুরুকুল নিমূল হইবে। এখনও ধর্ম্মাত্মা যুধিষ্ঠির
 সমর-সজ্জার আরোজন করিতে আদেশ প্রদান করেন
 নাই। মহারথ অঙ্গুন গাণ্ডীবে শরযোজনা করেন
 নাই। তুমি যুধিষ্ঠিরের নিকট গমন করিয়া, সন্ধির
 প্রস্তাবে সম্মত হও ; তিনি তোমার সমস্ত অপরাধ
 ক্ষমা করিবেন। সমস্ত কুরুরাজ্যে শান্তি স্থাপিত
 হইবে। দেখ, মনুষ্য কিরূপ ভিন্নপ্রকৃতি। আমি
 অবলীলাক্রমে বে রাজ্য পরিত্যাগ করিয়াছি, তুমি
 সেই রাজ্যের অস্ত্র অসঙ্কেতে ভয়াবহ আত্মবিরোধে
 প্রবৃত্ত হইতেছ। ইহা অপেক্ষা পারিতাপের বিষয়
 আর কি হইতে পারে ? তুমি ইহা বিশেষরূপে
 অবগত আছ যে, তোমার পিতা অমর্যাদিত-অকৃত-
 রাজ্যপ্রাপ্ত হন নাই ; তৎপারবর্তে তোমার সিংহ্য

মহাত্মা গান্ধী সিংহাসনে অধিরোধ করেন। এক্ষণে নীতিশাস্ত্রানুসারে তাঁহার পুত্রগণও রাজ্যের অধিকারী হইতে পারেন, ইহা তোমার জ্ঞান শাস্ত্রজ্ঞান-সম্পন্ন রাজাকে বুঝাইবার প্রয়োজন নাই। বৎস! আমি কলহ-কামনা পরিত্যাগ করিয়া, তোমার মঙ্গলকামিনী আত্মীয়গণের পরামর্শের রূপবর্তী হই। তোমার ও পাণ্ডব উভয়ই আমার নিকট সমান স্নেহের প্রাপ্ত। আমি তোমাদের মঙ্গল কামনা করিয়াই এইরূপ কথা কহিতেছি। আমি যাহা কহিলাম, জ্যোৎস্না ও বিহুরের অভিমতও সেইরূপ। আমার অনুরোধ এই যে, নিরর্থক ভ্রাতৃবিরোধে প্রবৃত্ত হইও না; পরস্পরের মধ্যে সৌহার্দ্য স্থাপন কর।”

কুরুকুল-হিতাকাঙ্ক্ষী, শত্রুপ্রবর, মহামতি ভীষ্ম এই প্রকারে দুর্যোধনকে উপদেশ প্রদান করিয়া, ভুক্ষীস্তাব অবলম্বন করিলে, দুর্যোধনী জ্যোৎস্না, বিহুর প্রভৃতি অমাত্যগণ তাঁহার বাক্যের অনুমোদন করিয়া, দুর্যোধনকে পুনঃ পুনঃ বৃদ্ধ হইতে বিরত হইবার জন্য অনুরোধ করিলেন। কিন্তু দুর্যোধন দুর্যোধন কাহারও বাক্যে কর্ণপাত করিলেন না।

ভীষ

তিনি অম্লানবদনে ও অসঙ্কুচিত-চিত্তে শ্রীকৃষ্ণকে
কহিলেন যে, আমি জীবিত থাকিতে বিনাযুদ্ধে
পাণ্ডবদিগকে স্তুতীক্স সূচ্যগ্রবিদ্ধ ভূমিও প্রদান
করিব না। স্বতরাষ্ট্রও পুত্রের মতের বিরুদ্ধে কার্য্য
করিতে ইচ্ছা করিলেন না। শ্রীকৃষ্ণ অকৃতকার্য্য
হইয়া, ভীষ্ম প্রভৃতির নিকট বিদায় গ্রহণ করিয়া,
পাণ্ডবদিগের নিকটে প্রত্যাগমন করিলেন।





সপ্তম পরিচ্ছেদ ।

শ্রীকৃষ্ণ বিফল-প্রযত্ন হইয়া প্রত্যাগমন করিলে পর, ভীষ্ম অবশম্ভাবী দুর্নিবার আত্ম-বিরোধের ভবিষ্যৎ ফল ভাবিয়া মর্ম্মাহত হইলেন । বাহাতে এই আত্ম-বিরোধ না ঘটে, তিনি তত্ত্বজন্য বিশেষ চেষ্টা করিয়াছিলেন এবং ভাবিয়াছিলেন, যখন স্বয়ং শ্রীকৃষ্ণ দৌত্য গ্রহণ করিয়াছেন, তখন নিশ্চয়ই সন্ধি স্থাপিত হইবে । তিনি শ্রীকৃষ্ণের প্রস্তাব সমর্থন করিয়া, দুর্ধ্যোধনকে পাণ্ডবদিগের প্রাপ্য রাজ্যাংশ প্রদান করিতে পুনঃ পুনঃ অনুরোধ করিয়াছিলেন এবং যখন দুর্ধ্যোধন কর্ণের দুষ্ট পরামর্শের অনুবর্তী হইয়া, সন্ধিস্থাপনে অনাদর প্রদর্শন করিয়াছিলেন, তখন

তিনি তাঁহাকে ভ্রাতৃ-বিরোধের ভাবী অমঙ্গল-জনক ফলপ্রসূর্ণনপূর্বক শাস্ত করিতে যত্নবান হইয়াছিলেন । কিন্তু দুর্ঘোষন কাহারও পরামর্শ না শুনিয়া, যুদ্ধের আয়োজন করিতে লাগিলেন । অবিলম্বে উভয় পক্ষের মিত্র ও আত্মীয় নৃপতিগণ নিজ নিজ সৈন্য-সামন্ত লইয়া, সুবিস্তৃত কুরুক্ষেত্রে উপস্থিত হইলেন । ভীষ্ম, দ্রোণ প্রভৃতি দুর্ঘোষনের পক্ষ পরিত্যাগ করিতে পারিলেন না । শ্রীকৃষ্ণ পাণ্ডব-পক্ষ অধলস্থান করিয়া, অর্জুনের রথের সান্নিধ্য হইলেন ।

দুর্ঘোষন বীরশ্রেষ্ঠ ভীষ্মকে প্রথমে সেনাপতি-পদে বরণ করিবার প্রস্তাব করিলেন ; ভীষ্ম কুরুরাজের অঙ্গে প্রতিপালিত; অতএব তাঁহাকে আত্ম-লজ্জন করিতে পারিলেন না ; কিন্তু তিনি মনে মনে পাণ্ডবদিগের জয় কামনা করিতে লাগিলেন । তিনি দুর্ঘোষনকে বলিলেন,—“আদি তোমার পক্ষে থাকিয়াই যুদ্ধ করিব ; কিন্তু কদাপি অন্তায় যুদ্ধ করিব না ।” তৎপরে তিনি, উভয়পক্ষকে সমবেত করিয়া প্রতিজ্ঞাবদ্ধ করাইলেন যে, সমবল ব্যক্তিকাই পরস্পর যশস্বন্ধে আবৃত্ত হইবেন ; যুদ্ধকালে কেহ কোম

একার প্রতারণা অবলম্বন করিতে পারিবে না ; যুদ্ধ-
শেষে পরস্পরের মধ্যে পুনঃ প্রীতি স্থাপিত হইবে ।

উভয়পক্ষ এইরূপ প্রতিজ্ঞাবদ্ধ হইলে,
মহারীর অজ্ঞান সমরক্ষেত্রে প্রবেশ করিয়াই আগে
পিতামহ বৃদ্ধ ভীষ্মদেবকে দেখিতে পাইয়া, নিজ
স্মরণি ত্রীকুণ্ডকে সম্বোধন করিয়া বলিলেন—“হে
মিত্র ! আমার সম্মুখে পলিতাক্ষ—পিতামহ ভীষ্ম
রণবশে দণ্ডায়মান । আমার মুখ বিশুদ্ধ, শরীর
অবসন্ন ও অঙ্গপ্রত্যঙ্গ শিথিল হইতেছে । আমি আর
গাণ্ডীব ধারণ করিতে সমর্থ হইতেছি না । শৈশবে
যিনি আমাদিগকে ক্রোড়ে করিয়া লালনপালন
করিয়াছেন, এক্ষণে কিরূপে তাঁহার শরীরে অস্ত্র
নিষ্ক্রেপ করিব ? আমি আর যুদ্ধ করিতে ইচ্ছুক
নহি । আমি দেখিতেছি, এই দারুণ যুদ্ধে আমরা
এবং আমাদের আত্মীয়স্বজন সকলেই বিনষ্ট হইব ।
বাঁহাদের লইয়া যুদ্ধ, তাঁহারা যুদ্ধে লিপ্ত হইলে,
আর কি রহিল ! আমি তাঁহাদের শরীরে অস্ত্রপাত
করিতে পারিব না । দুৰ্য্যোধন সমগ্র রাজ্য ভোগ
করুক ; আমি যুদ্ধ হইতে নিবৃত্ত হইলাম ।” এই

বাল্যকাল হইতেই পিতার পালন-পারিতোষ করিয়া, বিবাহবদনে
রথোপরি উপবিষ্ট রহিলেন।

শ্রীকৃষ্ণ অর্জুনের চিস্তের এইরূপ নিকৃতভাবে
অবলোকন করিয়া, তাঁহাকে সাস্তুনা করিবার
অভিপ্রায়ে সন্বোধন করিয়া কহিলেন,—“হে সখে !
শৌর্য, তেজ, ধৃতি, দক্ষতা, সমরে অপরাধমুক্ততা ও
দান প্রভৃতি কল্লিয়ের স্বাভাবিক কর্ম্ম। মনুষ্য স্ব স্ব
কর্ম্মে-নিরত হইলে সিদ্ধিলাভ করিয়া থাকে। সম্যক
অনুষ্ঠিত পরধর্ম্ম অপেক্ষা অঙ্গহীন হইলেও স্বধর্ম্মই
শ্রেষ্ঠ ; স্বভাব-বিহিত কার্যের অনুষ্ঠান করিলে,
দুঃখভোগ করিতে হয় না। যেমন ধূমরাশি দ্বারা
হতাশন সমাচ্ছন্ন থাকে, তদ্রূপ সমস্ত কার্য্যই দোষ-
সংস্পৃষ্ট ; অতএব স্বাভাবিক কার্য্য দোষমুক্ত
হইলেও কদাচ পরিত্যাজ্য নহে। যদি তুমি ‘যুদ্ধ
করিব না’ এইরূপ অধ্যবসায় করিয়া থাক, তাহা
হইলে, তুমি নিতান্ত ভ্রমে পতিত হইয়াছ ; কারণ,
কল্পপ্রকৃতিই তোমাকে যুদ্ধে প্রবৃত্ত করিবে। তুমি
মোহবশতঃ এক্ষণে যে কার্য্যে প্রবৃত্ত হইতেছ না,
তোমাকে কল্লিয়স্থলভ শূরতার বশীভূত হইয়া, তাহা

অবশ্যই অনুষ্ঠান করিতে হইবে।” এই সকল উপদেশবাক্য শ্রবণ করিয়া, অৰ্জুন কহিলেন,—“হে কৃষ্ণ ! তোমার অনুগ্রহে মোহান্ধকার নিরাকৃত হওয়াতে, আমি কর্তব্যজ্ঞান লাভ করিয়াছি ; এক্ষণে তুমি যাহা কহিলে, আমি তদনুরূপ কাৰ্য্য করিব।”

অতঃপর মহাবীর ধনঞ্জয় বিনোদবেশ ধারণ-পূর্বক পিতামহ ভীষ্মের নিকট উপস্থিত হইয়া, তাঁহার চরণবন্দনা করিয়া, কৃতাজলিপুটে কহিলেন,—“আর্য্য ! আমাদের মধ্যে যে ঘোরতর বিবাদ উপস্থিত হইয়াছে, ইহার ভয়াবহ পরিণাম চিন্তা করিলে, শরীর শিহরিয়া উঠে। আপনার আশীর্ব্বাদ এবং আপনার সহিত যুদ্ধ করিবার অনুমতি প্রাপ্তির আশায়, আপনার নিকট উপস্থিত হইলাম ; আপনি প্রসন্নচিত্তে অনুমতি প্রদান করুন ?”

ভীষ্ম অৰ্জ্জুনের বাক্য শ্রবণ করিয়া প্রীতি-বিস্ফারিত-নেত্রে তাঁহাকে ক্রোড়ে উপবেশন করাইয়া কহিলেন,—“বৎস ! তুমি যে আমার নিকট অনুমতি-গ্রহণার্থ আগমন করিয়াছ, তাহাতে আমি পরম প্রীতীলাভ করিলাম এবং অনুমতি প্রদান

কিন্তু, হ্যাঁ, তুমি অনার্যদেরই বুদ্ধিতে পান, তাঁহাদের
 সঙ্গে আমি বসিত, তাঁহাদের পক্ষ অবলম্বন করাই
 আমার পক্ষে এক্ষণে কর্তব্য। প্রকিয়ারক প্রাক্তর
 আদ্যমুখ্যই না হইলে, ধর্মপ্রক্ট হইতে হয়। আশী-
 ব্রহ্ম করি, ভোমরা, ক্রিয়াকর্ম পালন করিয়া, মনস্ক
 বিচারী ও মনোমুগী হও; ভোমাদের প্রতিপক্ষ
 অবলম্বন করিয়াছি বলিয়া আমার প্রতি সন্তোষ
 হইও না।”

তীর্থ এই বলিয়া বিরত হইলে, অর্জুন তাঁহার
 চরণসেবন ও অনুমতি গ্রহণপূর্বক শিরিরে প্রত্যাগত
 হইয়া ভ্রাতৃগণ-সমীপে আত্মস্থ বর্ণন করিলেন।
 মুখিতির পিতামহের অনুমতি ও আশীর্ব্বাদ প্রাপ্ত
 হইয়া, আপনাকে কৃতার্থ মনে করিলেন।

নির্দিষ্ট দিবসে উভয় পক্ষ প্রসিদ্ধ কুরুক্ষেত্র
 প্রসঙ্গের সম্মুখীন হইলে, তুমুল যুদ্ধ আরম্ভ হইল।
 মহাবীর ভীষ্ম সেনাপতিত্ব গ্রহণ করিয়া, দশ দিন
 অদ্ভুত বলবিক্রম প্রদর্শন করিয়া যুদ্ধ করিলেন।
 পাণ্ডব-পক্ষীয় কোন বীরই যুদ্ধে অগণকালের জন্য
 যুদ্ধে বিমুখ করিতে পারিলেন না। ভীষ্ম
 বয়োবৃদ্ধ হইলেও এরূপ তেজস্বিতা সহকারে স্বকীয়
 শৌর্যবীৰ্য্য প্রকাশ করিতে লাগিলেন যে, সমস্ত বীর-
 মণ্ডলী তাহাতে চমৎকৃত হইলেন। অপর পক্ষে
 বীরবর অৰ্জুন অসামান্য বীরত্ব প্রকাশ করিয়া,
 লক্ষহস্তে শরনিষ্ক্ষেপ করিয়া, বিপক্ষ সৈন্যদ্বিগুণে

আকুল করিয়া তুলিলেন। চতুর্দিকে সৈন্য আকুল হইল। মুমূর্গগণের আর্তনাদে, অশ্বের হেবারাবে, করিকুলের বৃংহিত-নাদে রথচক্রের ঘর্ষরশ্মিতে, রথায়ুধ আকুলিত হইয়া উঠিল। উভয়পক্ষ ধর্মযুদ্ধ হইতে কোনরূপে বিচ্যুত হইল না। সমকালে সমবলে যুদ্ধ হইতে লাগিল। নিজ নিজ বল ও যোগ্যতা অনুসারে রথী রথীর সহিত, অশ্বারোহী অশ্বারোহীর সহিত এবং পদাতি পদাতির সহিত, শ্রায়যুদ্ধে প্রবৃত্ত হইল। সকলেই পলায়ন-পর ও ভয়-কাতর ব্যক্তিকে আক্রমণ করিতে বিরত রহিলেন। সকলেই বর্ষীয়ান মহামতি ভীষ্মের প্রতিষ্ঠিত নিয়মের অমুবর্তন করিয়া, কুরুক্ষেত্রের মহাসমরে বীরধর্মের সন্মান রক্ষা করিলেন। যিনি পিতৃভক্তির পরাকাষ্ঠা প্রদর্শন-পূর্বক দার-পরিগ্রহে বিমুখ হইয়া স্বকীয় ধর্মতঃ প্রাপ্য সাম্রাজ্য পরিত্যাগ করিয়াছিলেন, তাঁহারই প্রভাবে এক্ষণে কুরুক্ষেত্রের মহাসমরে ধর্মের প্রাধান্য স্থাপিত হইল।

মহাবীর ভীষ্ম অসাধারণ বীরত্ব প্রকাশ করিয়া পাণ্ডব-পক্ষের সহিত যুদ্ধ করিতে লাগিলেন। তাঁহার

পরাজয় দর্শনে পাণ্ডবগণ ভীত হইলেন । ত্রীকক্ষ
 কানিতেন যে, ভীষ্ম-দ্রৌপ ও দ্রৌপ প্রতি শরনিক্ষেপ
 করিলেন না ; এইজন্য তিনি দশম দিবসে শিখণ্ডকে রথে
 উপবেশন করাইয়া ভীষ্মের প্রতি বাণ বর্ষণ করিতে
 লাগিলেন । বীরশ্রেষ্ঠ ভীষ্ম শিখণ্ডার তীক্ষ্ণশরে আহত
 হইলেও, তাঁহার প্রতি অস্ত্র নিক্ষেপ করিলেন না ;
 এদিকে অর্জুন তাঁহার প্রতি অস্ত্রনিক্ষেপ করিয়া,
 তাঁহাকে অর্জুজ্বিত-কালের করিয়া তুলিলেন ।
 ভীষ্ম অবিরত উভয়ের শরে আহত হইলেও,
 স্বয়ং শরপ্রয়োগে বিরত রহিলেন । তিনি নিদারুণ
 শরাঘাতে ক্রমশঃ অবসন্ন-কলেবর হইয়া পড়িলেন
 এবং সায়ংকালে মুর্চ্ছিতাবস্থায় রথ হইতে পতিত
 হইলেন । তাঁহার শরীর শরজালে একরূপ বিদ্ধ
 হইয়াছিল যে, তিনি পতিত হইয়া শরের উপরেই
 শয়ান রহিলেন ।

পিতামহ ভীষ্ম দশ দিন ভীষণ যুদ্ধ করিয়া,
 রথ হইতে পতিত হইলে পর, পাণ্ডব ও কৌরবগণ
 অস্ত্র পরিত্যাগ করিয়া, সকলেই তাঁহার নিকট
 আসিয়া উপস্থিত হইলেন । তিনি পৌত্রগণকে

সমীপে দণ্ডারমান দেখিয়া, নিজ মন্তক সিকান করিয়া
উপাধান চাহিলেন। ইহা শুনিয়া সূর্য্যোদয় প্রতি
কোনও উপাধান আনিয়া দিলেন; কিন্তু তীক্ষ্ণ জন্ম
হাত করিয়া কহিলেন,—“কখনো। এই উপাধান
আমার বস্ত্রের আঁচের উপস্থিত নহে।” এই বলিয়া
তিনি অর্জুনের প্রতি দৃষ্টিবিক্ষেপ করিলেন। অর্জুন
শিষ্ঠাঙ্গের অভিপ্রায় সুবিভে মাপিয়া, শিষ্টাঙ্গভাষে
তাঁহাকে জিজ্ঞাসা করিলেন,—“হে শিষ্টাঙ্গ!
আমাকে কি আদেশ করিতেছেন?” তীক্ষ্ণ বলিলেন,—
“হে অর্জুন! ত্রিগুণ্য। তব আমার শরীর পরিত্যাগ;
কিন্তু আমার মন্তক সিকান করিয়াছে, তুমি আমাকে
উপস্থিত উপাধান প্রদান কর।” অর্জুন হস্তদ্বারা
শর বোজনা করিয়া, লক্ষ্যবান হইয়া উপাধান বস্ত্রের
সন্নিহিত বিছা করিয়া দিলেন; তীক্ষ্ণ শর লক্ষ্য করিয়া
উপাধান হানীয় হইল। তীক্ষ্ণ অর্জুনের ক্রোধোত্তিত
কর্ণধৌ অতিমাত্র শ্রীত হইয়া কহিলেন,—“কখনো!
তুমি আমাকে উপস্থিত উপাধান প্রদান করিয়াছ।”

অনন্তর তীক্ষ্ণ শরীতে রাজমণ্ডলীকে দীর্ঘোদয়
করিয়া বলিলেন,—“সূর্য্যের উপসারণ না হওয়া পর্য্যন্ত

আমি এই শরশয্যাতেই শয়ান থাকিষ; দিবাকর
 উত্তরায়ণে গমন করিলে, আমি দেহত্যাগ করিষ।”
 পরে তিনি তাঁহাদিগকে পুনঃ পুনঃ মুক্ত হইতে
 বিদ্রুত হইতে বলিলেন। এদিকে দুর্ঘোষন কত-
 প্রতীকার-কোবিদ ও বাণেশ্বর-কুশল চিকিৎসক
 নিকটে নামা স্থান হইতে আনয়ন করিয়া, ভীষ্মের
 নিকট উপস্থিত করিলে, তিনি তাঁহাদিগকে দেখিয়া
 ঈষৎ হাস্য করিয়া কহিলেন,—“বৎস দুর্ঘোষন !
 তুমি আমার বাতনা প্রতীকারের জন্য বৃথা কেন এত
 চেষ্টা করিতেছ ? আমার চিকিৎসার কোন প্রয়োজন
 নাই; আমি এই ভাবেই এই নন্দর দেহ ত্যাগ করিতে
 প্রসঙ্গ করিয়াছি ; তুমি ইহাদিগকে অর্থ দ্বারা সন্তুষ্ট
 করিয়া স্ব স্ব স্থানে প্রতিগমন করিতে বল। আমার
 বৈরুপ দংশা উপস্থিত, তাহাতে চিকিৎসা দ্বারা
 প্রতীকারের কোন সম্ভাবনা নাই ; আমার সমস্ত
 শরীর শয়ানলে দগ্ধ হইতেছে ; আমি কত্নিরোচিত
 কার্য করিয়া পরম গতি লাভ করিয়াছি। আমার
 অতি ভক্তি ও প্রেমার নিমিত্ত আমি তোমাদের
 পরিত্রাণের জন্য আশীর্বাদ করিতেছি। সন্ধ্যা সমাগত-

প্রায়, তোমরা নিজ নিজ শিবিরে গমন করিয়া
রাত্রিবাণন কর।”

ভীষ্মের এইরূপ বাক্য শ্রবণ করিয়া, কোরব,
পাণ্ডব ও অষ্টান্ন রাজগণ তাঁহার চরণে প্রণাম
করিয়া, স্ব স্ব শিবিরে প্রতিগমনপূর্বক সোধেগ-চিহ্নে
রাত্রিবাণন করিলেন। পরদিন প্রভাত-সময়ে তাঁহারা
পুনরায় পিতামহ ভীষ্মসমীপে গমন করিয়া দেখি-
লেন যে, তিনি সমভাবে শরশয্যায় শয়ান রহিয়া-
ছেন। অন্তর্দাহ নিমিত্ত মুখে কোনরূপ অশ্রুস্র-
ভাবের বিকাশ নাই ; তিনি বীরশয্যায় প্রশান্তভাবে
ধ্যানস্থ রহিয়াছেন। তাঁহার এই প্রকার অদ্ভুত ভাব
দেখিয়া, সমাগত বীরগণ বিস্মিত হইয়া দণ্ডায়মান
রহিলেন। ক্ষণকাল পরে, ভীষ্ম চক্ষুঃস্মীলন করিয়া
তাঁহাদিগের প্রতি দৃষ্টিনিষ্ক্ষেপ করিয়া দেখিলেন যে,
সকলেই তাঁহার নিমিত্ত নান্যবিধ সুখাদ্য বস্তু লইয়া
তথায় উপস্থিত হইয়াছেন। তিনি তাঁহাদিগকে
আশীর্ব্বাদ করিয়া কহিলেন,—“বৎসগণ! আমি
এক্ষণে মৃত্যুশয্যায় শায়িত ; শীঘ্রই মর্ত্যধাম ত্যাগ
করিব ; অতএব কোনরূপ ভোগ্যবস্তু গ্রহণ করিতে

ইচ্ছা করি না। পিপাসায় আমার গলদেশ শুষ্ক প্রায়; আমায় কিঞ্চিন্মাত্র বিশুদ্ধ পানীয় প্রদান কর।” ইহা শুনিয়া দুর্যোধন তৎক্ষণাৎ সুবর্ণপাত্র-স্থিত সুগন্ধ সুশীতল পানীয় লইয়া, তাঁহাকে প্রদান করিতে উদ্যত হইলে, তিনি অৰ্জুনের দিকে দৃষ্টি নিক্ষেপ করিয়া কহিলেন,—“হে মহাবীর ধনঞ্জয়! পিপাসায় আমার কণ্ঠ শুষ্ক প্রায়; তুমি আমাকে আমার উপযুক্ত পানীয় প্রদান কর।”

ভীষ্মের অনুমতি প্রাপ্ত হইয়া মহাবীর অৰ্জুন নাগীবে শরষোজনা করিয়া ভীষ্মের শর্যাপার্ষস্ব পৃথীতল বিদারিত করিয়া ফেলিলেন; তৎক্ষণাৎ ভূগর্ভ হইতে সুশীতল নিম্নল জলধারা উদগত হইয়া ভীষ্মের মুখে পতিত হইতে লাগিল। ভীষ্ম সেই সুশীতল বারি পান করিয়া তৃপ্তিলাভ করিলেন।

অনন্তর তিনি অৰ্জুনের দিকে দৃষ্টীনিষ্ক্রেপ করিয়া, তাঁহাকে আশীর্বাদ করিয়া বলিলেন,—
“বৎস! তোমার অসাধারণ বুদ্ধিমত্তা ও বীরত্ব দেখিয়া আমি পরম পরিতোষ লাভ করিলাম। তোমার বীরত্ব আমার নিকট অবিস্মৃত নহে। তোমার

সহিত যুদ্ধে সমকক্ষ হইতে পারে, এরূপ বীর ভূমণ্ডলে দৃষ্ট হয় না। আমি দুর্ঘ্যোধনকে বহুবার এই যুদ্ধ হইতে নিবৃত্ত হইয়া, সন্ধিস্থাপনের জন্য অনুরোধ করিয়াছিলাম; কিন্তু কিছুতেই সে আমার উপদেশবাক্যে কর্ণপাত করিল না। যে ব্যক্তি বয়োবৃদ্ধ ব্যক্তিগণের পরামর্শ না লইয়া কার্য্য করে, সে পদে পদে বিপদে পতিত হয়। এই যুদ্ধের ভাবী পরিণাম যে কি ভয়াবহ, তাহা চিন্তা করিলে, শরীর ও মন অবসন্ন হয়। যে পক্ষ ধর্ম্মপথ অবলম্বন করিয়া চলিবে, সেই পক্ষই জয়লাভ করিবে। সর্ব্বজন-হিতাকাঙ্ক্ষী বায়ুদেব শ্রীকৃষ্ণ স্বয়ং হস্তিনায় আপমনপূর্ব্বক সন্ধির প্রস্তাব করিয়া দুর্ঘ্যোধনকে অনেক প্রকার বুঝাইয়াছিলেন; কিন্তু সে কিছুতেই সন্ধিস্থাপন করিতে সন্মত হইল না। যে ব্যক্তি বয়োবৃদ্ধ ও জ্ঞানবৃদ্ধ ব্যক্তিদিগের পরামর্শ শ্রবণ না করে, তাহার আরদ্ধ কার্য্যের পরিণাম কখনই শুভজনক হয় না।”

এই সকল কথা বলিয়া, মহামতি ভীষ্ম বিরত হইলে, অর্জুন ও অপর পাণ্ডবগণ তাঁহাকে সাক্ষাৎ

প্রণিপাত করিয়া, শিবিরে প্রত্যাগমন করিলেন।
দুর্যোধন মনে মনে অত্যন্ত ক্ষুব্ধ হইলেন ; এবং
গভীর বিষাদগ্রস্ত হইয়া, গভীরভাবে তথায় দণ্ডায়-
মান রহিলেন।

ভীষ্ম তাঁহাকে বিষম্বদন দেখিয়া বলিলেন,—
“বৎস ! আমার কথায় দুঃখিত হইও না ; আমি
চিরকাল তোমাদের অঙ্গে প্রতিপালিত হইয়া, সর্বদা
তোমাদেরই হিতকামনা করিয়াছি। কুরুকুলের
মঙ্গলকামনায় আমার এই নশ্বর জীবন উৎসর্গ
করিয়াছিলাম। আমি রাজাধিরাজ-তনয় ; যৌবনে
ভোগবাসনা পরিত্যাগ করিয়া, তোমাদের মঙ্গল-
কামনায় সেবকভাবে নিযুক্ত ছিলাম। অল্প কৰ্ত্তব্য
কৰ্ম্ম সমাধান করিয়া, তোমাদের ঋণ হইতে মুক্তি-
লাভ করিয়া, দেহপাত করিলাম। তুমি স্বচক্ষে
পার্শ্বের বীরত্ব অবলোকন করিলে। আমার ধারণা,
তুনি কিছুতেই পাণ্ডবদিগকে যুদ্ধে পরাজিত করিতে
পারিবে না। তোমরা এ পর্য্যন্ত যে সকল যুদ্ধ
করিলে, তাহাতেই কুলক্ষয়কর এই মহাসমগ্র
পর্য্যবসিত হউক। পিতা পুত্রকে, ভ্রাতা ভ্রাতাকে,

বন্ধু বন্ধুকে পাইয়া সন্তুষ্টমনে গৃহে প্রাতঃগমন করুক। ভীষ্মের মৃত্যুর সহিত এই দারুণ যুদ্ধের অবসান হউক।”

এই বলিয়া মহাবীর ভীষ্ম যোগমাগ অবলম্বন করিয়া, যথাকালে নশ্বরদেহ ত্যাগ করিলেন। ঐদৃশ হার্থত্যাগী, পিতৃভক্ত, সত্যসন্ধ মহাপুরুষ জগতীতলে আর জন্মগ্রহণ করেন নাই বলিলেও অতুক্তি হয় না; বোধ হয়, এই সকল সদগুণ শিক্ষা দিবার নিমিত্তই তিনি ভূমণ্ডলে জন্মগ্রহণ করিয়াছিলেন। কি অদ্ভুত পিতৃভক্তি! তিনি পিতার পরিতোষ-সাধনার্থ যৌবনে সর্ববিধ ভোগেচ্ছা পরিত্যাগপূর্বক ধর্মজীবন ব্রহ্মার্চ্য অবলম্বন করিয়া, প্রকৃত যোগীর ন্যায় জীবনযাপন করিলেন; এবং অসাধারণ বীরত্বসম্পন্ন হইয়াও সত্যপ্রতিজ্ঞতার সম্মান-রক্ষার নিমিত্ত অন্যদীয় আনুগত্য স্বীকার করিতেও পরাঙ্মুখ হইলেন না। রাজাধিরাজের একমাত্র পুত্র, স্বয়ং অদ্বিতীয় বীরত্বসম্পন্ন অপর কোন ব্যক্তিই তাঁহার ন্যায় ধর্মজীবন পরসেবায় কল্যাণপন করেন নাই পৃথিবীতে অনেক বীর জন্মগ্রহণ করিতে পারেন;

অনেক প্রতিভাশালী ব্যক্তি থাকিতে পারেন, অনেক সত্যনিষ্ঠ মহাত্মা আবির্ভূত হইতে পারেন,—কিন্তু ভীষ্মের ন্যায় স্বার্থত্যাগী ও চিরকৌমারব্রতধারী কোন রাজপুত্র অত্য়পি ধরণীমণ্ডলে জন্মগ্রহণ করেন নাই । কতকাল অতীত হইয়া গেল, কত কত মহাপুরুষ আবির্ভূত ও তিরোহিত হইলেন ; কিন্তু একালপর্য্যন্ত কেহই এই মহাপুরুষের অসামান্য অবদান-পরম্পরা অতিক্রম করিতে পারেন নাই । প্রলয়কাল পর্য্যন্ত এই মহাপুরুষের কৌর্তিকলাপ জগতীতলে জাজ্বল্যমান থাকিবে । বোধ হয়, পৃথিবীর কোন স্থানে, কোন কালে তাহার ন্যায় পিতৃভক্ত, স্বার্থত্যাগী, ব্রহ্মচারী, বীরপুরুষ জন্মগ্রহণ করেন নাই ।



নবম পরিচ্ছেদ ।

মহাবীর ভীষ্মদেবের নশ্বর দেহ ত্যাগের কিঞ্চিৎ পূর্বে, মহারাজ যুধিষ্ঠির ধর্ম্যতত্ত্ব-জিজ্ঞাসু হইয়া, ভৎসমীপে গমনপূর্ব্বক বিনীতভাবে তদীয় চরণ-বন্দনা করিয়া, দণ্ডায়মান রহিলেন । ভীষ্ম স্নেহভরে ধর্ম্মরাজের মস্তকোদ্ভাণ করিয়া, তাঁহাকে উপবেশনার্থ অনুরোধ করিলেন ; অনন্তর মধুস্বরে ধীরে ধীরে বলিতে লাগিলেন ;—“বৎস ! আমি যাহা বলিতেছি, অতি সাবধান হইয়া তাহা শ্রবণ কর । তাহা হইলেই তুমি যশস্বী হইয়া রাজত্ব করিতে

পারিবে। সর্ববাঞ্চে প্রকৃতিবর্গের প্রতি-সম্পাদনের নিমিত্ত রাজার যথাবিধি যত্ন করা উচিত। যোগ্য-ব্যক্তিকে পুরস্কৃত করিয়া, তদ্বারা কার্যসাধনার্থ প্রযত্ন করাই রাজার অবশ্য-কর্তব্য। ১০ পৌরুষশূন্য দৈবকার্যে তাদৃশ ফলোপধায়ক হয় না। দৈব ও পুরুষকার— এই উভয়েরই প্রভাব তুল্য; তন্মধ্যে প্রত্যেক ফল উৎপন্ন করে বলিয়া, পৌরুষই শ্রেষ্ঠ; আর ফল সিদ্ধির দ্বারা নির্ণীত হয় বলিয়া, দৈবকে পুরুষ-কার অপেক্ষা কিঞ্চিৎ নূন বলিয়া গণনা করা যায়। কার্য আরম্ভ করিলে, যদি কোন ব্যাঘাত জন্মে, তাহাতে কিছুমাত্র সম্ভ্রান্ত হইও না; প্রতুঃত যাহাতে কাঙ্ক্ষ্য সুসিদ্ধ হয়, তদ্বিষয়ে একান্ত যত্ন করিবে। পণ্ডিতগণের মতে উহাই ভূপতিদিগের কার্যসম্পাদনের একমাত্র উপায়।

সত্যব্যতীত ভূপালগণের ফলসিদ্ধির কোন সম্ভাবনা নাই। সত্য অপেক্ষা রাজার বিশ্বাসের কারণ আর কিছুই নাই। সচ্চরিত্র, বদান্য, শাস্ত্র-প্রকৃতি, ধর্মপরায়ণ, জিতেন্দ্রিয় রাজা কদাচ শ্রীভ্রষ্ট হন না। সমস্ত কার্যে সরলভাব অবলম্বনপূর্বক

সত্য বাক্য প্রয়োগ করিবে। রাজা অতিশয় মৃদু-
 স্বভাব হইলে, লোকে তাঁহার পরাভব করিয়া
 থাকে, এবং অতিশয় উগ্রস্বভাব হইলে, তাঁহাকে
 দেখিয়া সকলেই ভীত হয় ; অতএব নিতান্ত মৃদুভাব
 বা নিতান্ত উগ্রভাব অবলম্বন করা, সর্বতোভাবে
 অবিধেয়। রাজা ধার্মিক ও সত্যবাদী হইলেই,
 প্রজারঞ্জে কৃতকার্য হইতে পারেন। সর্বদা
 ক্ষমাবান হওয়া রাজার বিধেয় নহে; একান্ত ক্ষমাশীল
 রাজা নিতান্ত অধম বলিয়া পরিগণিত হন ; অতি
 নীচ ব্যক্তিও তাঁহার সম্মান করে না। অতএব
 নিয়ত মৃদু বা নিয়ত তীক্ষ্ণ হওয়া রাজার উচিত নহে।
 বসন্তকালীন সূর্যের ন্যায় অনতিমৃদু ও অনতি-
 তেজস্বী হইয়া থাকাই বিধেয়। ব্যসনে আসক্ত
 হওয়া ও অপরিমিত ব্যয় করা একান্ত অনুচিত।
 রাজা ব্যসনাক্ত হইলে নিয়ত পরাভূত হন এবং
 নিতান্ত বিদ্বেষ-পরায়ণ হইলে, প্রজাদিগকে উদ্বেজিত
 করেন। ধর্মপরায়ণ নরপতিগণ স্বীয় মুখস্বচ্ছন্দ
 পরিত্যাগপূর্বক অমুক্ষণ প্রজাদিগের হিতসাধনে
 অবহিত থাকিবেন।

হে ধর্মরাজ ! তুমি কদাচ ধৈর্য্য পরিত্যাগ
 করিবে না । ভৃত্যদিগের সহিত হাস্য পরিহাস
 করিবে না ; কারণ, তাহা হইলে উপজীবীরা প্রশ্রয়
 পাইয়া স্বামীর অবমাননা করে এবং আপনার কর্তব্য
 কার্য্যে মনোযোগ করে না ; কোন কার্য্য সম্পাদন
 করিতে আদেশ করিলে, উহা বাস্তবিক করিতে
 হইবে কিনা, এবিষয়ে সন্দিহান হয় ; গোপনীয় বিষয়
 জানিবার চেষ্টা করে ; অনুচিত বিষয়ে প্রার্থনা ও
 প্রভুর ভোজ্য বস্তু ভক্ষণ করে ; অনেক সময়
 স্বামীর প্রতিও ক্রুদ্ধ হইয়া উঠে ; উৎকোচ গ্রহণ
 ও বঞ্চনা দ্বারা কার্য্যহানি করিতে ক্রটি করে না ;
 কৃত্রিম পত্র প্রেরণ দ্বারা রাজ্য বিনষ্ট করে ; সতত
 প্রভুর বাক্যে প্রত্যুত্তর প্রদান করে ; স্বামীকে ক্রুদ্ধ
 দেখিয়াও পরিহাস করে ; সর্বদা কেবল হাস্য
 পরিহাস করিয়াই কালক্ষেপ করে ; রাজার গুপ্ত
 মন্ত্রণাসকল প্রকাশ করিয়া দেয় ; নিতর্য্যে অবজ্ঞা-
 সহকারে প্রভুর আজ্ঞা পালন করে । বেতন লাভে
 সন্তুষ্ট না হইয়া, রাজকর অপহরণ করে ; সূত্রবদ্ধ
 পক্ষীর মায় প্রভুকে লইয়া ক্রীড়া করিতে উৎসুক

হয়, এবং লোক-সমাজে “রাজা আমাদের বাধ্য” বলিয়া গর্ব প্রকাশ করে। নৃপতি আমোদ-পরায়ণ ও মৃদু-স্বভাব হইলে, এইরূপ নানাপ্রকার দোষ প্রাদুর্ভূত হইয়া থাকে।

হে মহারাজ যুধিষ্ঠির ! সর্বদা উद्यোগী হওয়া নৃপতিদিগের অবশ্য-কর্তব্য। উद्यোগ-বিহীন রাজা কদাচ প্রশংসাজনক হইতে পারেন না। সন্ধির উপযুক্ত ব্যক্তিগণের সহিত সন্ধি ও বিরোধাদিদিগের সহিত বিরোধ করিবে। দণ্ডার্থ ব্যক্তি আশ্রয় হইলেও, তাহাকে দণ্ড প্রদানে পরাভূত হইবে না। যে রাজা প্রাজ্ঞ, বদান্ত, পরচ্ছিন্নদ্বেষণ-তৎপর, নীতিজ্ঞ ও কার্যদক্ষ, যিনি কার্যের অনুষ্ঠানে প্রবৃত্ত হইয়া তাহা সম্যকরূপে নির্বাহ করেন এবং যাহার রাজ্যে নীতিজ্ঞ প্রজারা আপনাদের ঐশ্বর্য গোপনে না রাখিয়া, পিতার গৃহে পুত্রের স্থায় নিভয়ে সঞ্চরণ করে, সেই রাজা সর্বপ্রধান বলিয়া পরিগণিত হইয়া থাকেন। হে ধর্মরাজ ! রক্ষাই রাজধর্মের সারাংশ। রাজধর্মপ্রণেতা শুক্রাচার্য প্রজারক্ষণকেই রাজধর্মের শ্রেষ্ঠাংশ বলিয়া

কীর্তন করিয়াছেন। পুরুষকার ও রাজধর্মের আর
 একটি শ্রেষ্ঠ অংশ। যে রাজা পুরুষকার-হীন, তিনি
 বুদ্ধিমান হইলেও নির্বিঘ্ন ভুজঙ্গের ন্যায় শত্রুগণের
 পরাভবের আশ্রয় হইয়া উঠেন। শত্রু দুর্বল
 হইলেও, কদাচ তাহাকে অবজ্ঞা করিবে না। অগ্নি
 অল্পমাত্র হইলেও, সমুদায় দগ্ধ এবং বিষ অণুমাত্র
 হইলেও লোকের প্রাণ বিনাশ করিতে পারে।
 একান্ত ক্ষুর এবং নিতান্ত মৃদুস্বভাবাপন্ন ব্যক্তি
 অতি বিস্তীর্ণ রাজ্যভার বহন করিতে কদাচ
 সমর্থ হন না। প্রজাপালন করিবার নিমিত্ত যদি
 রাজার কোন বিপদ উপস্থিত হয়, তাহাও তাঁহার
 ধর্মস্বরূপ। রাজধর্ম-প্রভাবেই সমুদায় লোক প্রতি-
 পালিত হইতেছে। দণ্ডনীতি না থাকিলে, সমুদায়
 ধর্ম এককালে বিনষ্ট হইয়া যায়। উৎকৃষ্ট উপায়,
 নিয়ম ও পুরুষকার অবলম্বনপূর্বক অতি যত্ন-
 সহকারে রাজধর্ম রক্ষা করা, রাজার অবশ্য-
 কর্তব্য। যদি রাজা রাজ্যপালন না করেন, তাহা
 হইলে, বলবান ব্যক্তির অনায়াসে দুর্বলের দ্রব্য
 অপহরণে প্রবৃত্ত হয়; কেহই আর পুত্র কলত্র ও

ধনাদি-রক্ষণে সমর্থ হয় না ; সংসার বিলুপ্তপ্রায়
হইয়া যায় ; পাপাত্মারা সহজেই অগ্নির ধনাদি
হরণ করে ; রাজ্য অধর্ম্যে পরিপূর্ণ হয়

হে ধর্ম্মরাজ ! সন্দয়ভাবে দুঃখবতী গাভীকে
দোহন করিলে, যেরূপ প্রচুর দুগ্ধ লাভ করা যায়,
তদ্রূপ শাস্ত্রানুযায়ী উপায় অবলম্বনপূর্ব্বক রাজ্য-
ভোগ করিলে, প্রচুর অর্থ লাভ হইয়া থাকে । রাজ্য
সুদুপায় দ্বারা রক্ষিত হইলে, রাজকোষের বৃদ্ধি
হইবার সম্ভাবনা । জননী যেমন পরিতৃপ্ত হইয়া
সন্তানগণকে স্তন্য প্রদান করেন, তদ্রূপ পৃথিবী রাজা
কর্তৃক সুরক্ষিত হইয়া, রাজা ও প্রজাগণকে প্রচুর
পরিমাণে ধান্য ও হিরণ্য প্রদান করিয়া থাকেন ।
যদি তুমি ধর্ম্মানুসারে প্রজাপালন করিতে পার,
তাহা হইলে, নিশ্চয়ই তোমার প্রভূত ষশ ও অতুল
কীর্ত্তি লাভ হইবে এবং তুমি সুখস্বচ্ছন্দে কালান্তি-
পাত করিতে পারিবে । প্রজারক্ষণে যত্নবান হওয়াই
রাজার প্রধান ধর্ম্ম । প্রাণিগণের প্রতি দয়া প্রকাশ
ও তাহাদিগের রক্ষণাবেক্ষণ করা অপেক্ষা উৎকৃষ্ট
ধর্ম্ম আর নাই । এইজন্য ধর্ম্মজ্ঞ পণ্ডিতেরা প্রজা-

পালন-ব্রহ্মত; দয়াবান্ 'নরপতিকে' পরম ধাৰ্মিক
বলিয়া কীর্তন করিয়া থাকেন।

- মহারাজ ! রাজা কখনও একাকী রাজ্যাশাসন
করিতে সমর্থ হন না। সহায়-বল-ব্যতিরেকে কোন
ব্যক্তিই অতীপ্সিত অর্থলাভ করিতে সমর্থ হয় না ;
যদিও কথঞ্চিৎ অর্থলাভ করিতে পারে, তাহা হইলে,
তাহা রক্ষা করা তাহার পক্ষে নিতান্ত সুকঠিন হয়।
যাঁহার ভৃত্যগণ জ্ঞানবুদ্ধ ও হিতৈষী ; যাঁহার অমাত্য-
গণ সদুপদেশ প্রদানে অবহিত, কালাকাল বিবেচনা
করিতে সমর্থ, অতীত ভ্রমপ্রমাদাদির জন্ত অনুতপ্ত
এবং উৎকোচাদি দ্বারা অন্তের অনধিগমা, তিনিই
যথার্থ রাজ্যসুখ সম্ভোগ করিতে পারেন। যাঁহার
নিকট অর্থী ও প্রত্যর্থীর বিচার যথার্থরূপে হইয়া
থাকে এবং যিনি রাজধর্ম্যে পারদর্শিতা লাভ
করিয়া, মানবগণকে আপনার বশে আনয়নপূর্ব্বক
সন্ধিবিগ্রহাদির অনুষ্ঠান করেন, তিনিই রাজ্যভোগ
করিতে সমর্থ হন। যে রাজা শাস্ত্রবিশারদ, ধর্ম-
পরিপূর্ণ, ধীরস্বভাব এবং প্রজাপালন তৎপর, তিনি
অবসরক্রমে পুরুষকার প্রদর্শন করিতে পারেন।

তীয়

যাঁহার অমাত্য অতি বিশ্বস্ত, যিনি সতত দুঃখিত ব্যক্তির দুঃখ-নিবারণ ও বিবেচনাপূর্ব্বক কার্য্য-মুষ্ঠান করিয়া থাকেন; ভৃত্যগণ যাঁহার প্রতি প্রতিনিয়ত প্রীতিপ্রদর্শন করে, যিনি সতত ভৃত্যগণ ও প্রজাগণের অবস্থা পর্য্যবেক্ষণ এবং চরগণের সাহায্যে গৃহ বৃত্তান্ত অনুসন্ধান করেন, তিনি সকলের সমাদর-ভাজন হন।

যে রাজা আপনার কর্ম্মের উৎকৃষ্ট ফলভোগ ও প্রজারঞ্জন করিতে অভিলাষ করেন, তিনি কদাচ অনুপযুক্ত ভৃত্যকে উৎকৃষ্ট কার্য্যে নিযুক্ত করিবেন না। মুর্থ, ক্ষুদ্রাশয়, অজিতেন্দ্রিয় মনুষ্যকে রাজ-সম্পর্কীয় কার্য্যে নিযুক্ত করা, গুণগ্রাহী ভূপতির কদাপি বিধেয় নহে। সিংহকে পার্শ্বচর করা সিংহের কর্তব্য। যে সিংহ নয়, সে যদি সতত সিংহের সহবাস করে, তাহা হইলে, তাহার প্রকৃতিও সিংহের স্থায় হইয়া থাকে। কিন্তু সিংহ যদি কুকুরের সহবাস করিয়া, সিংহের কার্য্যে ব্রি়ত হয়, সে কদাচ সিংহের স্থায় প্রকৃতি লাভ করিতে পারে না। ঐরূপ যে রাজা প্রতিনিয়ত বহুদর্শী, শূর, ও সংকুল-

সম্ভূত ব্যক্তিদিগের সহবাস করিয়া থাকেন, তিনিই সমস্ত পৃথিবী অধিকার করিতে সমর্থ হন। যাহারা মূর্থ, কুটিল-স্বভাব ও দরিদ্র, তাহাদিগকে স্বীয় পার্শ্বে স্থান দান করা রাজার উচিত নহে।

পুনশ্চ—সন্ধিস্থাপনপূর্বক শত্রুর বিশ্বাস উৎপাদন এবং পরাক্রম প্রকাশ ও স্বীয় বুদ্ধি দ্বারা কার্যের যথার্থ-নিরূপণ, আদর্শ ভূপতিদিগের অবশ্য-কর্তব্য। বৃহস্পতি-তুলা বুদ্ধিমান প্রাজ্ঞ ব্যক্তি দৈবক্রমে একবার নির্বোধের আয় কার্য করিয়া, জনসমাজে নিন্দনীয় হইলে, অচিরাৎ সলিল-নিক্ষিপ্ত উত্তপ্ত-লৌহের আয় পুনরায় স্বীয় প্রকৃতি প্রাপ্ত হন। ধর্মের অবিরোধে সমুদায় লোকের প্রিয়ানুষ্ঠান, রাজার অবশ্য-কর্তব্য। প্রজাগণ যে রাজাকে আত্মীয় বলিয়া মনে করে, কোন শত্রু তাহার অপকার করিতে সমর্থ হয় না। ব্যবহার-সময়ে প্রিয় ও অপ্রিয়কে সমান জ্ঞান করিয়া, ধর্মরক্ষা করাই নৃপতির প্রধান কার্য। যিনি স্বয়ং সমুদায় রাজকার্য পর্যবেক্ষণ ও আয়ব্যয় নিরূপণ করেন, বস্তুকরা তাঁহাকেই বিপুল সম্পত্তি প্রদান করিয়া থাকেন। উপযুক্ত সময়ে

প্রজাগণের নিকট অর্থ গ্রহণ করিবে ; মধুকর যেমন ক্রমে ক্রমে পুষ্প হইতে মধু আহরণ করে, রাজারও তদ্রূপ ক্রমশঃ অর্থ সঞ্চয় করা উচিত। শান্ত্রাজ্য নৃপতি সহজে সঞ্চিত অর্থ ব্যয় করেন না।

হে মহারাজ ! যে ব্যক্তি ধর্ম ও অর্থ পরিত্যাগ-পূর্বক কেবল ভোগের অনুশীলন করেন, ক্রমশঃ তাঁহার বুদ্ধিনাশ হয়। রাজা যদি সেই সকল লোককে শাসন না করেন, তাহা হইলে গৃহস্থিত সর্পের ন্যায় তাঁহার নিকট হইতে সকলে ভীত হয়। রাজা সর্বদা মধুর বাক্য ও হিতজনক কার্য্যদ্বারা সকলের সন্তোষসাধন, অশ্বের গুণকীর্ত্তন এবং সকলের নিকট আত্মীয়তা প্রদর্শন করিবেন। রাজা এইরূপ আচার-পরায়ণ হইলে, সকলেরই আদর-ভাজন হন এবং তাঁহার সমুদায় পাপ নিরাকৃত হইয়া যায়, সন্দেহ নাই। গুরু লোকেরা যেরূপ ধর্মোপদেশ প্রদান করিবেন, তদনুসারে কার্য্য করা তাঁহার অবশ্য-কর্তব্য।

হে ধর্ম্মরাজ ! আমি এক্ষণে সচ্চরিত্রতা ও তাহা প্রাপ্তির উপায় নির্দেশ করিতেছি, অবধানতা সহঃ

কারে শ্রবণ কর। কায়মনোবাক্যে কাহারও অনিষ্ট চিন্তা না করা এবং উপযুক্ত পাত্রে দান ও সকলের প্রতি অনুগ্রহ প্রদর্শন করাই সচ্চরিত্রতা বলিয়া নির্দেশ করা যাইতে পারে। যে পুরুষকার দ্বারা জনসমাজে লজ্জাপ্রাপ্ত হইতে হয়, সেরূপ পুরুষকার কদাচ প্রকাশ করিবে না। যে কার্য দ্বারা জনসমাজে শ্লাঘনীয় হওয়া যায়, ঐরূপ কার্যেরই অনুষ্ঠান করা কর্তব্য। যদি কোন ব্যক্তি অসচ্চরিত্রতা দ্বারা কোন ক্রমে সমৃদ্ধি লাভ করেন, তাহা তাঁহার চিরকাল ভোগ হয় না। অত্যন্ত আপদগ্রস্ত হইলেও, প্রজাবর্গকে নিপীড়িত করিয়া অর্থ সংগ্রহ করা রাজার কর্তব্য নহে। যে নরপতি ঐরূপ কার্যে হস্তক্ষেপ করেন, তাঁহাকে অগাধ পাপপঙ্কে লিপ্ত হইতে হয়। গ্রামবাসী অসংখ্য লোক ঈর্ষা-পরবশ হইয়া, রাজার নিকট অপরের দোষ কীর্তন করে; অতএব নরপতি তাহাদিগের বাক্যে বিশ্বাস স্থাপন করিয়া, কাহাকেও সংকৃত বা নিপীড়িত করিবেন না। লোকের পরীবাদ কীর্তন বা শ্রবণ করা কদাপি বিধেয় নহে। যে সভায় পরনিন্দা কীর্তিত হয়,

তথায় হস্তদ্বারা কুর্ণ আচ্ছাদন দিওঁবা তথা হইতে
প্রস্থান করাই উচিত। নিষাদগণ যেরূপ অরণ্যমধ্যে
শরাহত যুগের রুধিরাক্ত পদচিহ্ন লক্ষ্য করিয়া
তাহার অন্বেষণ করে, সেইরূপে ধর্মের মর্ম অন্বেষণ
করাই বুদ্ধিমানের কর্তব্য।

হে ধর্মরাজ ! দৈবের উপর নির্ভর করা কদাপি
বুদ্ধিমানের কর্তব্য নহে ; আপনার সাধ্যানুরূপ
পুরুষকার অবলম্বন করা সকলেরই উচিত। লক্ষ্মী
সত্যবাদী, কাষ্যদক্ষ, কৃতজ্ঞ ও জিতেন্দ্রিয় ব্যক্তি-
গণকেই আশ্রয় করিয়া থাকেন।”

তৎপরে মহামতি ভীষ্ম অহিংসা-ধর্ম অবলম্বন
করিয়া, কিঞ্চিৎ উপদেশ দিতে ইচ্ছা করিয়া বলিতে
লাগিলেন,—“হে রাজন্, সমস্ত ধর্মকার্য্য শ্রেয়ঃ-
সাধনোপায় বলিয়া নির্দিষ্ট হইয়াছে ; ইহাদের মধ্যে
অহিংসাই সর্বোৎকৃষ্ট পরমার্থসাধন বলিয়া পরি-
গণিত হয়। যে ব্যক্তি কাম, ক্রোধ ও লোভকে
দোষের আকর জ্ঞান করিয়া, ঐ সকল পরিত্যাগ-
পূর্ব্বক অহিংসা-ধর্ম প্রতিপালন করে, তাহার
নিশ্চয়ই সিদ্ধিলাভ হইয়া থাকে। যিনি সকল

প্রাণীকেই আপনার ঋায়'জ্ঞান করিয়া, তাহাদের প্রতি তুল্য-দৃষ্টি-সম্পন্ন হন, তিনি মহাপুরুষ নামে পরিগণিত হন। অতএব : তুমি মছুপদিষ্ট পদবী অবলম্বন করিলে, পরমসুখে কালযাপন ও রাজ্য-পালন করিতে সমর্থ হইবে।” ধর্ম্মরাজ যুধিষ্ঠিরকে এই সকল উপদেশ প্রদান করিয়া, ভীষ্মদেব নীরব হইলেন।



